

70260
137
343



沔陽州志

第八本
人物志 宦績
儒林 篤行
文苑 武勛

沔陽州志卷

人物志

宦績

國運當敦龐之秋必有魁耆碩艾之臣入備鼎鉉出專干城鴻勳偉績以一身繫朝野安危之重次之則為監司為守牧亦各有社稷人民之寄焉而能使隸宇下者父母親之神明奉之至厯風霜兵燹而不忘非徒宦轍所經繫人去思即桑梓與有榮施焉志宦績

周

鬪穀於菟字子文伯比子生於邳有虎乳之異楚成王時代

沔陽州志

卷九 人物 宦績

一

公子元為令尹未明而立於朝曰晦而歸食自毀其家以紓難三仕不喜三已不愠舉子玉為令尹悉告以舊令尹之政

孔子嘗謂之曰忠

童承叙日子文毀家紓國委政讓功子張所謂無喜愠色者也然明於越椒而闇於

得臣故孔子許其忠而抑其仁與

明

歐陽謙字伯益由明經授耀州學正擢御史永樂中谷王有反謀密詔謙伺之乃託罷官挈家歸妻孥莫知也還家賦詩皆作山林語會歲祲謙野服具舟糴長沙時谷王謀益甚召諸巫禱祠復變形為祝雜作府中具得狀乃急挈舟行一日馳六傳比覺追之無及矣既報命出師移之王赴火死改編

修轉考功郎中卒於官謙優文學著有滄浪集正德中祀鄉

賢祠童承叙曰謙長沙之行脫簪易服潛弭禍亂其幾密矣位不究才賞不酬功君子惜之

虞信字尚忱永樂中以歲貢拜御史有直聲擢四川按察副

使悍民某為鄉邑患信首除之遷山東按察使九年吏畏民

懷會當入觀薛文清瑄贈詩云山東憲使何昂藏鐵心古貌鬢眉蒼出入四朝荷天寵操持一節飛秋霜海岱茫茫幾

千里十年監部平如水只今報政趨神京僚庶追攀情不已

春風楊柳西河濱綺筵列酒傾銀瓶一舉十觴勸公飲氣酣

感我千古情千古之情向公道要使蒼生樂熙皞內臺黃閣正需賢此去嚴程到須早人不敢干以私

屬吏犯法以金研遺其子信覺繫其子以聞上付信自治竟

撲殺之終河南右布政使祀鄉賢童承叙曰昔金日磾殺兒史稱其忠信非是之類也

夫持法者我也子奚與焉且受金罪不應死乃竟殺之與撓法何異雖然可以厲貪濁矣

沔陽州志 卷九 人物 宦績 一一

劉琢字玉相永樂癸未四年鄉貢考通志 係建文授葉縣訓導遷陳

留教諭國子助教加翰林檢討仍領助教事後致仕琢在陳

留施教有方祀名宦子深字資之正統己未進士除知江西

永甯縣後改四川崇宣深剛勁少容在崇宣有幕官忤深深

手殺之坐免官屏居山澤鄉間敬憚郡守數請始一至城孫

元綱字崇正負氣節安貧守道能詩

陳勛字功懋以舉人謁選吏部試第一授本部司務善詩文

楊溥劉定之皆折節下之陞青州府知府地瘠民悍勛加意

拊循教民孝弟力田每行縣省耕繪為勸農圖又興學造士

文教丕振祀鄉賢

邵暹字賓旭學行修明永樂壬辰進士授中書舍人陞禮部郎中精通譯字宣宗命入草詔筆凍紙污自分得罪上命易紙書之其荷眷遇如此孫凱字和甫少有才名貢入京師天順辛卯鄉貢仕至四川長壽知縣

吳璿字文機勵志好學舉天順壬午鄉貢第一後除河南彰德府同知以足疾乞歸性簡靜杜門謝事鄉人稱之

劉鈺字世美父弦隸戍天津鈺登進士改翰林院庶吉士授戶部主事嘗督課九江防檢甚嚴羨餘悉貯府庫補常州府知府廉能勤慎吏民敬憚豪右犯法至自經不敢見母喪幾無以爲殮服除改處州府父卒鈺感病亦卒鈺剛介自持所

沔陽州志

卷九 人物

宦績

三

歷嚴肅歸自常有追送餉以二瓜者剖之乃金百餘急還之毘陵士民祠祀焉性孝愛每之官必奉親以行且挈雙棺人稱其孝廉後祀鄉賢孫燮字子和攻苦力學官四川長壽縣知縣妖賊入縣感病卒於官

郭軒字文載成化庚子鄉貢除河南盧氏縣教諭以師道自任多所造就遷福建連江知縣與丞不和卒於官丞制之喪不得發縣諸生爲扶柩而出軒以剛正見重士類諸生顯者過縣必往拜其墓

童旭字賓暘號東谷由進士除知江西上高縣屢以治行薦遷戶部主事歷員外郎中領諸司章奏正德六年兩河盜起

朝廷出師討之旭奉勅督理河南江北直隸糧儲侍郎楊潭黃珂俱疏薦擢知兗州府加從三品銜俸賜寶鑑銀牌在兗建滋陽縣學鄉賢名宦城闕里值小旱禱兩輒應旭亢直以忤魯藩被逮撫按爲力白之調桂林又三年歸卒祀鄉賢子承叙自有傳見儒林從子承夔嘉靖庚子鄉貢承契字士章博葶強起由避士除參礪知躲避武庫主事

哭一本字仲立沔衛人少聰穎年十九舉於邾嘉靖壬戌涎壬除失江知縣敷政慢裕俸入之外毫髮無取柬甫推其措行仕餐山西參蘸兵仿天津

鄙騰字予巽少有文學學使劉公奇其才而首拔之別喇型

沔陽州志

卷九 人物

宦績

四

戊進士除固始知縣甫下車謁孫叔敖祠歎曰此非昔之循良乎每舉以自勵清守不污固始人至今思之遷戶部主事督賦德州卒於官所著有座右醒心錄

陳中字時中少有大志家貧力學父教之最嚴嘉靖乙未進士除知仁和縣有善政一舉人醉以公事干中中叱之相毆訐奏朝廷多中黜舉人爲民陞中南京戶部爲郎九年刻意詩文俸金買書以餘帙寄里中後陞知東昌府終雲南副使蕭迎字文靜沔衛人以貢授隨州訓導陞泗水令邑小民貧迎勞心撫字再任容城地多闞寺數撓法蠹民迎善戢之寬嚴得中中貴歛迹民賴以安與弟遍治行齊名遍字文明心

性洞朗嘉靖乙丑進士除刑部主事問陸錦衣家產賂以干
金卻之恤刑浙江平反甚多擢廣東廣州府知府吏事最敏
撫按諸司欽服兵備九江參政漕儲咸有惠政未幾卒於淮
安弟邁字文碩任河陽有廉吏聲

胡彥字穉美別號白湖沔衛人善屬文學使許宗魯絕愛之
以進士授太常寺博士遷山東道御史條陳便宜策其一請
早建儲巡視陝西茶馬革積習著有茶馬考若干卷已又巡
按江西部內豪猾抵法不少貫改典江西試所取多知名士
以繼母憂歸未幾卒

傅頤字師正沔衛人由進士除廬陵知縣年甫二十以清慎

沔陽州志

卷九 人物

宦績

五

稱陞兵部武選司主事歷郎中時鄭曉在文選特調頤為考
功司京察張治為吏部侍郎見頤所斥半權相門客呼為真
考功時宰相銜之以武選假寶事降六安州判未幾復起屢
轉戶部倉場復以忤嚴嵩被論歸優游林下且十年再起戶
部侍郎進南京都御史上時政五條詔下吏部都察院舉行
轉戶部尚書年餘乞歸卒於家祀鄉賢祠

李漢源謹按尚書里捐置學田甚夥上為先聖備馨香下為諸生贍膏火功在膠庠澤流桑梓邑人士至今頌之胡天不佑善末裔式微披褐負薪亦可哀已考乾隆五十年恩貢生趙登朝等請於學租內歲分廿餘緡以卹其後行之數十年越道光己酉大水此舉遂廢嗟乎綿上不旌何以勸善君子惜焉

張柏字介甫中嘉靖戊午鄉試任四川太平縣艱歸補河南

新安縣所至多惠政歸里後囊無長物世稱爲廉

梅山字少岳人品魁偉嘉靖乙酉鄉貢授四川雙流縣教諭直隸太平府同知興獻王梓宮過采石山有繫纜功陞雲南永昌府知府

王頤字觀生沔衛人性孝友由進士除桂林府推官以廉能行取拜南禮科給事中有直諫名出守池州公餘不休私署於堂左構琴鶴堂寢處其中嘗除里甲公費與民蘇息又佐副使繕城牒築干柳堤卒無以爲殯士民賻之入祀安徽名宦祠

呂欽字子敬以恩選起家部試第一選湖州州判丁憂補溫

沔陽州志

卷九 人物 宦績

六

州致仕兩佐大郡歸橐蕭然時論賢之

張伯文字志翰給事中費尙伊外舅也以太學生出爲四川夔州府知事五年政最轉本府幕事素敏練足吏材又雅持廉不私旋視篆歷巫峽開太長史民多去思以忤上官被劾歸

袁旦字師周天性孝友中萬曆乙酉鄉試粗衣糲食仕婺源教諭陞同仁府推官平心理政以病卒於途

蕭翀字凌翰府學生有文名與傅尙書頤陳方伯文燭諸人相友善任綿州訓導轉諭崇甯縣勛士先德行而後文藝後擢威遠知縣威遠民悍難治翀鋤豪強招流亡平稅定役不

避勞怨有諸生帷薄不修者繩之以法遂遭謗議以此遂落職

童述先字善卿幼孤以孝友聞由舉人授永昌推官治獄明允遷兵馬司轉南京戶部郎中督稅濬河江浦之民賴焉天啟中逆璫魏忠賢荼毒清流楊忠烈左忠毅被逮時述先捐金贈遺逆黨御史陳以瑞疏劾遂罷歸璫敗起廣西慶遠府知府不就

張道深字名可中萬曆己卯鄉試授新建諭聘典四川鄉試陞玉山令有平恕聲陞曹州守致仕園居自娛曲房幽閣長齋禮佛無疾而逝

沔陽州志

卷九

人物

宦績

七

萬彙英字青邱萬曆己未年貢初授懷宣訓導以薦陞清流知縣政尚寬洪吏民悅服罷職歸清流人士作甘棠吟送之傅大鼎字太和沔衛人年十二籍諸生試輒高等父愛異母弟大鼎曲全友愛不忍傷其心人皆孝之神宗覃恩首舉大鼎於廷訓黃梅清苦如諸生時生平好義落落一氈以客死鄧一儒字汝爲號合虛沔衛人中萬曆戊子鄉試初授繁昌令有異政載南國甘棠集三異傳忤權貴轉高唐州甫數月致仕歸居林下三十年兩奉覃恩秩進亞中大夫著有一映草子光啟字維敬諸生以祖勛膺鎮撫崇禎中領漕輓功升本衛指揮僉事厚重簡默與人無忤光啟子林培明經林育

諸生皆克世其家

胡崇化字以順號憲橋性樸直有古風事親孝兄弟友愛財產無私授生徒發明經學出訓德興卒於官旅櫬蕭然匱發惟圖書數束而已

劉綺字樸先以尙書教授里中名士多出其門萬曆丁丑進士出尹銅陵有異政丁憂復除真定縣陞南京戶部主事卒之日家無餘財

沈正隆字上卿少穎異以進士授四川南充令再補內江皆蜀巖邑多豪右正隆持法不撓人無敢抗擢貴州道御史巡按雲南時礦稅太監勢甚橫正隆多所裁抑民賴以安再按

沔陽州志

卷九

人物

宦績

八

廣東西彈擊無所避當時有楚中三隆之目謂潛江劉給諫道隆江陵朱銓部一隆及正隆也皆勁直峭厲風裁凜然人畏憚之

王家光字君寵少讀子史百家諸書爲諸生時試輒冠軍萬曆癸酉以詩經魁省試任夥縣令有廉能聲轉太平通判不仕歸爲百花園於城南隅日宴賓客故人諸子供滫瀡以佐觴無虛日

高繼明字敬伯沔衛人爲諸生有異才以明經訓蘄州長身魁偉雅爲當路所器遷彭澤令邑稱難治繼明專務撫循民無譁者三年致仕歸純孝天植每談父往事輒淚下爲永思

庵以祀其先享祀無缺

潘遜字禮卿號蘇泉應萬曆己酉武會試主司擬元以策語過直列第二授常鎮守備歲旱多盜遜每獲其渠魁語邑令曰僕無縱而公無密各司其職也令心折其言有蘇泉詩集行世

呂瀾字崇觀性醇厚以孝友聞中萬曆癸酉鄉試授蜀永川縣陞河南許州牧多異政攜圖書數卷歸年八十有五終

李養恬字心寰少有大志屢阨不售以明經授鄖縣訓導遷廣東翁源縣尹解煩除苛與民休息歷任未滿而歸以壽終王夢祥號鳳麟以明經訓茶陵再諭安陸兩學文人皆座春

沔陽州志

卷九 人物 宦績

九

風中觀察太守使署邑篆力辭尋遷江西袁州教授不赴移疾而歸性仁柔疏簡鄉里稱爲善人卒之日貧無以殮

王極字建之沔衛人以進士授戶部主事監本倉銀庫卻例金次監北新大軍二倉諸運弁德之支發三大營以時積餘米四萬石歷陞本部郎中掌上供五百萬無所私賜宴會極門出守青州逆闖魏忠賢方張各郡建祠極故緩之璫敗奉肯旌異賜帑金遂督學陝西年未艾解組歸闢綠合園吟咏其中置義田贍其族一日坐中寢徵族戚言別曰吾後二日當歸命散橐中金逾二日端坐逝祀鄉賢子之繩入 國朝

由明經爲中書舍人尋辭歸養母尤好施敵族慎交承其家

學

錢天錫字公永沔衛人由會魁授部曹督學陝西稱得人調榆林道崇禎中召對陳修練儲備四事賜茶果陞密雲巡撫以赴任違限罨吏議卒於京寓著四書宗正錄馴鶴樓詩

陶日欽字滄洲中天啟辛酉鄉試初署宜都學陞資陽知縣以丁憂歸壬午起補開縣未抵任卒天性孝友居官廉慎

黃日芳字木之號蠡源黃氏世以孝友著日芳幼師伯兄日舉鄉試猶執經不稍怠日華沒日芳觸柱而號額破出血

後成進士知霍邱縣大計卓異赴府流賊突至霍邱陷妻陳氏妾李氏殉難事詳雙烈傳撫按以非其罪疏留辦事直指張任

沔陽州志

卷九

人物

宦績

十

學疏薦日芳略曰困衡之餘已為皇上練成一治兵治賊之才河南山東旱災芳泣禱蝗不入境總督朱大典取置軍前贊畫監總兵劉良佐軍多所俘捷嘗請罷鄉兵而宿徐騷動以謐奉檄督催穎毫糧餉同良佐赴襄陽協勦威名著宛洛間淮撫史可法委任尤專自是崎嶇戎馬絕河航海萬死一生迨回籍削跡城市十餘年卒著有史別史拈本草經驗方

集要辦賊略蓼虫吟諸書

後人隸霍邱籍國朝咸豐間有裔孫植璋敦信義紅巾之亂賊圍

霍邱急或勸植璋去不可城陷闔門殉難

胡景文字見龍廷試貢元例選縣令以遵父命就養任郴州學正捐俸葺學宮日與諸生講藝其中後陞貴州教授歸隱

於家

杜渭陽字南谷以進士授嘉興縣令縣糧重民有積逋又多權貴素稱難治渭陽執法嚴明權貴歛迹待士有禮所識拔皆才學之彥解組歸不數月卒所著有南谷稿

劉詵字卿山崇禎己卯歲薦授丹徒丞體魁岸性嚴毅自幼不苟訾笑後進雖極顯貴遇之輒歛衿若嚴師然履丹徒任未朞月不曲徇當事意卽解組歸

包國樞字環中崇禎乙亥年貢歷寶慶遠安廣文課士勤懇諸生翕然宗之晚歸絕意仕進有司嘉其行屢徵鄉賓

國朝

沔陽州志

卷九 人物

宦績

十一

李何煒字韋夏號緩山由進士授浙江黃巖縣知縣剛正廉潔自署聯云只一條鐵漢撐世界無半个銅錢做人情當途忌之左遷廣西布政司照磨署鬱林州一載宿弊俱清鬱林人頌之丁內艱歸遂不復仕所置田產與弟兄公分置義塚優游林下卒著有宙廬易讀默耕堂詩文集

李适字南宮何煒子也由舉人官羅田教諭中明通榜進士福建政和縣知縣家素裕無所須於官俸百姓納糧僅兌正額不取羨餘訊案時洞開重門聽百姓來觀判結召問三老果否平允民皆感說其後委解內府木料至京時工作已竣交部收存數年復有興作木多更易朽蠹不堪用著原解官

罰賠遂傾家子嗣膺嗣愬皆諸生

白拱薇字輝山進士授浙江西安縣知縣改福建南靖縣靖
爲漳郡要地明季賦役繁重民田多賤賣存糧追比敲扑民
苦重累 國初復值鄭芝龍之亂井邑凋殘民散田荒而膏
腴復爲豪弁所據版籍淆混逋賦甚多拱薇力請臺使嚴爲
清覈專意招徠民有田者得歸業豪弁強項痛懲以法按籍
徵糧刊求田問主章程自是兼并頓息田墾賦清邑數苦水
拱薇殮漂沒賑飢民築西河壩修理學宮民建生祠祀之擢
北城兵馬司指揮眾籲留任卒於官祀福建名宦子儻庠生
束夏字尙卿性孝友文行素優屢試輒冠軍督學使水侂應
沔陽州志

卷九 人物 宦績

十二

優獎有砥行不欺暗室攻苦時向晨窗之語由歲薦授通城
訓導課士有方遷武岡州學正

歐陽鼎字長卿爲諸生時素著古文名督學高世泰郃炳元
先後特拔之由明副車舉順治甲午鄉試第二己亥會魁授
萬泉令民有逋賦鬻其子者捐俸代贖康熙己酉分校棘闈
苦心搽閱竟染疢疴歸舍卒

艾厥修字來齋順治丁酉戊戌聯捷任鉅鹿令有惠政任滿
方遷以父正蕃耆隱乞假歸養尋卒於家

楊必昌字子發少以文名見知於州牧章曠順治辛卯中副
車仕清河令邑疲困徵稅有法民以不逋課諸生郡中膺賓

興者多所取士江南巡按馬題補山清同知未就歸子正儒
入國學正傳正俶俱諸生

楊引祚字湄崧少負雋才由進士任甯海知縣恤民艱減逋

賦遂以上考內遷授山東青州道旋督學浙江清介自守苞

苴悉絕所拔皆知名士

錢塘章藻功上書云先生水以爲監雖搖勿濁泉終不易縱飲非貪書將

繫雁而請託者難通金卽便牛而夤緣者輒拒蓋紀實也

後宅憂旋里諸生遮道挽留上

官欲代請奪情引祚固辭而歸

顏翼祖字敬止領康熙戊午鄉薦公安教諭課士有方受裁

成者甚眾置學田修葺學宮尤竭心力居家敦睦族詣會試

卒子晟星俱舉於鄉星任武昌縣教諭陞襄陽府教授晴暘

沔陽州志

卷九 人物

宦績

十三

咸食饒州庠

謝載秩字近岳世則次子由廩貢任陝西宜君縣知縣值歲

旱捕蝗賑飢有惠政解職歸侍父孝養家庭和睦於產業一

無所爭久之補刑部江西司主事攝提牢獄多所矜恤尋監

督祿米倉未幾歸里民苦淤岸夫役載秩白之州牧朱化隆

豁其徭里人感之年七十餘卒

張家相字羽宸少孤力學登康熙癸卯鄉科教諭衡山衡邑

科名寥落垂六十年家相日指授諸生理法教課精嚴科目

遂盛充康熙辛酉廣西分校所拔皆雋彥逾年遷黃州教授

肅學規點勘文藝品隲精當尤以經術品行勗士康熙己卯

以老致仕歸家相有人倫鑒品題不爽壽八十六卒子玫食
餼早沒次子琬字西重康熙丁卯歲貢持己高潔不稍脂韋
怡情詩酒未仕卒

童綏世字來斯明慶遠知府述先曾孫也由舉人官德安府
教授遷國子博士出爲紹興府糧捕同知紹當入海孔道軍
供浩繁民生凋瘵多虎患綏世加意撫綏率田父以火器驅
虎略盡俗好溺女屠牛捕蛙悉勸止之捕獲劇盜徐阿喜胡
秀之胡福郎等置之法復嚴禁盜賊扳害防守倉厰治績一
時稱最歸里後窮經以終年七十餘子散復拔貢光化廣文
王顯竒字常伯以舉人任黃安教諭出所著易經解與諸生

沔陽州志

卷九 人物

宦績

十四

剖析闡明又令其通曉時務士多化之晉貴州平越縣知縣
值逆藩初平邑官廨學舍爲墟顯奇創復繕治又爲文誓神
操履端潔嚴誠胥吏不使蠹民凋敝苦窳力加撫綏由是訟
清徭簡遂復生聚士民咸歌頌之

方宏博字涵齋以舉人授湖南沅州學正遵例入都考取一
等康熙五十九年雲南鄉試以所屬無治禮記者調宏博分
校得士六人捷南宮者二量移衡州教授倡修文廟遷桂陽
知縣邑與廣東韶州府毘連例食粵鹽易滋私販宏博力稽
查革陋規邑有朱何二族屢以墳地構訟長吏履勘輒擁眾
紛囂宏博預爲禁約不率則痛繩以法折斷平允人無譁者

在官六載惟一子隨侍食用儉約遇令節士民有遺米肉者弗納曰竇不可開也以考乞休布被葛帳依然寒素

周一化字與三性行肫樸內外洞達恥浮偽尙篤行登康熙己酉賢書任臨湘教諭振飭學規士子有學品者獎勵之士皆奮興生二子長文煥興山貢次文焯雍正癸丑進士官戶部主事孝友謙厚人不知爲朝士也

李士秀字俊章以明經任衡州嘉禾廣文學宮圯敝捐俸修葺尤喜甄拔寒畯邑廩生李文機以冤抑褫名力白其冤復之士頌其德祀名宦

申茂字松濤幼受業叔父道昌績學力行鄉黨稱孝友由進

沔陽州志

卷九 人物

宦績

十五

士任福建寧洋縣知縣清剔鹽弊商民便之再移宣德縣其俗多以婦女典質茂力諭禁風稍革課農訓士尤多惠政以病歸民攀轅泣送數十里行至延平道卒宦囊蕭然人稱清白吏

譚士法字表常號蓮村以中翰改授江西瑞州府同知革食鹽陋規制藥施疫者復移駐宣州銅鼓營銅地山深谷險民貧而悍士法惠綏撫輯剔姦釐弊禁賭捕盜山路險隘募工平治於溪河建石橋設津渡捐俸買穀減價平糶復詳請帑銀糶穀二千石建倉廩儲之行社倉法民利賴焉所屬獄囚給以綿衣攝廣信府篆革鹺稅常例數百金校屬邑童子試

甄拔寒峻又修復上饒縣謝疊山祠像祭田士民作爲詩歌
名長壘唵未幾解組歸士法素志淡泊宦邸費用悉取於家
樂善好施鼎建沔崇聖祠凡橋梁道路方藥棺槨之類不惜
資助居家謹厚不事干謁人咸稱之

張葉字小中居朱家池少隨其從叔之滙任新田諭遂以新
田籍食餼康熙戊寅選拔秉鐸於湖南宣鄉繕修文廟進諸
弟子員申飭校課士駸駸向學宣之瀉山有宋張魏公及南
軒墓舊有墓田四十畝歲致祭享葉以所收贏餘新其墓祠
乾隆戊午卒於宣子光國郡廩生

路錫命字永言夙抱異才 國初授推官再任廣西新宣學
沔陽州志 卷九 人物 宦績 十六
博亂後學宮頽圯力督繕修勤化導遷忠州州同子清漣郡
庠孫學極天驥宏極皆列成均庠序

賀諄字文希以貢任湘鄉諭課士尙篤行遷長沙府教授撫
軍趙公申喬委賑飢民措畫有方民賴全濟以無疾乞歸
余應台字列三亳州知州之璇子友愛昆季最篤父爲析產
應台長跪涕泣父嘉其意而止由附貢任福建沙縣知縣兼
理延平府事陞直隸定州知州延平地苦寒民頑難治應台
修學宮鋤蠹役恤民疾苦斷事悉得其平士民感之

余天佑優廩生任安陸教諭補葺學宮不辭勞瘁遇寒峻輒
推解玉成之後陞湖南安福知縣勸農桑敦教化清潔自持

士民愛之

余成彪字西垣由乾隆五十九年舉人任江西興安知縣陞吉安府知府興安稻田多蟲形似鱗而大穿塍洩水民恆苦旱成彪命捕蟲食之患絕灌溉有資民多富饒成彪折獄明慎有某翁久買囊金歸過女家女醉殺之埋床下事發屢訊無據成彪祈禱各廟鬚髮頓白親訪廿餘日掘室得尸罪人伏誅民間爲之謠曰余公冰清政治有聲烏髮白鬚人鬼皆驚

杜廷貴字聘草少有雋才文宗歸黃知州朱化隆深器之由康熙四十八年進士除廣昌縣令有政聲以勞卒於官扶櫬

沔陽州志

卷九 人物

宦績

十七

歸民爇香泣送於道

江伍圖字鵬南康熙五十九年舉人刑部効用記功授四川安岳知縣時值年荒邑多流民而上官署內猶演劇伍圖直言極諫卽爲罷樂後竟以他事被劾改官江右歷任鉅縣勤勞民事每春耕時親履田間息茂陰下招父老子弟環立憇息教以孝弟忠信民愛戴之繪有勸農圖後任浙江同知陞署温州府知府致仕歸歷官三十餘年歸來行李蕭然惟琴鶴相隨

李堂字也升又字肯菴幼聰穎有神童之目由乾隆七年進士歷官雲南祿豐定遠太和浪窮等縣知縣課農興學潔已

愛民充甲子丁卯壬申三科同考試官時稱得人以卓異擢山東沂州府知府未之任改授浙江湖州府知府堂視事數月吏治清肅釐剔漕弊開濬七十二漕以洩積水十年五督賑務不假吏手多所全活於公帑外自捐俸餘以濟其乏捐建愛山書院以惠多士值 高宗南巡大吏奏其治績

召見行在獎勵有加復膺保卓異候陞以終養告歸士民攀轅不忍釋堂亦爲憮然乃以所繪戴笠圖留置歸雲庵湖中人士於春秋佳日具酒果拜遺像賦詩紀事號歸雲社迄今不改崇祀鄉賢及湖州名宦祠

徐國柱字砥齋有至性恭兄最篤兄沒奉嫂如兄撫孤姪如

沔陽州志

卷九 人物

宦績

十八

所生由乾隆二十八年進士選吳堡知縣學宮頽廢捐俸修葺有革生薛爾續能文善補過國柱多方曲成許其應試遂復入泮旋領鄉薦西地素多蝎獄中尤甚往往嚙囚徒至死國柱令解桎梏設床席囚遂無膺此毒者調署米脂縣升任綏德州俱有政聲歷官十餘年解組歸囊橐蕭然

張至學字汝璧號習齋少穎悟能文屢躋場屋援例選山東武定府知府盡裁州縣陋規捐資興復敬業書院並豐諸生廩餼屬邑十被災者六至學詳請得賑金數十萬親督監發立法嚴明吏不敢欺復捐購綿衣凡數百金巡撫阿桂按臨執至學手曰君真不愧賢太守其未成災之三縣亦爲詳請

借給籽種巡撫忻然具題明年六月直隸蝗延及府屬商河
毋豬窪惠民馬家胡家二窪至學捐資收買旋就撲滅禾苗
無損吏部尚書裘曰修奉命勘河至境深加獎歎其開理河
道也如惠民濱州霑化境內之徒駭樂陵海豐境內之馬頰
老黃河商河濱州惠民之小支河皆疏濬使直達徒駭又於
附近小支河蒲窪開溝使積潦下洩程家道口建設涵洞以
免倒灌築白龍灣以防衝激於徒駭河要道復捐修賈橋以
免徒涉郡人相傳城外有河太守賢則魚集至學涖任三月
魚鮪充溢民呼爲張公魚治郡二載以祖母年高請終養巡
撫崔慰留不得十屬士民攀轅泣留日千數當時循良吏首
沔陽州志

卷九 人物 宦績

十九

推至學弟至理候選州同性端方篤友愛爲兄輸重金以助
官用時稱之

沙象乾隆二十四年舉人任長樂縣訓導有文武才日集
諸生課試閱卷外令文武生並習武藝教以騎射同縣令王

沛霖輯有志稿今佚

長樂縣志有傳

劉曙字闇夫號梧岡乾隆四十五年進士試吏江蘇有吏才
清而能勤知高澹兩月清十年積案訟風以息任安東疏濬
河渠勘災以實當事重之署楊州同知條水利數事民皆稱
便未實授卒曙少負雋才名冠州郡殿試日未晡首獻策上
著本日完場爲定例所著有時敏齋文集

胡文炳字虎臣由乾隆五十三年舉人任公安教諭次授均州學正陞荆門州學正培植多人士林咸頌贈以範仰蘇湖額

向尊化字雨亭嘉慶九年武進士總督汪志伊委辦石閘薦於朝遂由提塘遷直隸玉田都司甫抵任聞乞丐凶橫害民斬首惡以徇風立止轉河間副將時盜魁杜天山掠某學士女上諭活擒以獻尊化計縛之搗巢出賊所掠婦女八九十人論功陞甘肅河州總兵屬將唐芳跛不勝任尊化黜之權貴關說皆不久未幾移湖南鎮筵鎮筵故險要卒悍難制以兵變謫戍烏魯木齊教民開墾邊將奇其才委督修

沔陽州志

卷九 人物

宦績 二十

古城有功奏

聞

詔復職赦歸

王家鳳有傳贊日智者千慮必有一失兵變見

謫殆撫馭之未善與然為法受惡甘心外譴又何壯也粵賊之亂拔擢破例疆臣多起官罪餘公徒以卒悍致釁過人才略再用無日身值隆平故也及四方多故公年則已耄矣時會之乘有遇不遇豈非天哉今楊厚菴爵使載福公故卒校也昔遇之厚兩過其境皆遣人存問其家云

李光笈字經圃一字雲七拔貢生考取正藍旗官學教習差

滿以知縣分發湖南歷署茶陵道州衡清長善諸州縣事補

淑浦以憂歸服闋再任宜章永興陞同知所至興利除弊同

民好惡獎成士類自奉甚約每食僅一盞在淑浦旱科頭徒

步行二十餘里禱雨柵木洞頃刻雲起大兩三日在宜章建

烈婦坊捐俸千金為書院膏火前任閩某虧公帑巨萬繫獄

光笈罄十餘年俸入爲賠補以出之宦囊遂竭丁母憂同官
賻贖始能歸葬嘗曰吾昔年讀書日恆一餐今雖薄宦勝昔
多矣居林下十年饘粥不給訓子曰兒輩但能讀書吾心慰
貧無足慮也卒之日幾無以爲殮著經圃古近體詩鈔湘舟
紀要若干卷子皋拔貢見文苑

陸建瀛字立夫道光二年進士翰林院編修歷史館職升詹
事府右贊善右中允兼 日講起居注官大考二等 擢侍
讀京察一等引 見記名兩充會試分校典試山東鄉試供
職皆以清勤稱道光二十年 簡放天津兵備道時英夷
犯順駛舶在海口往來窺伺建瀛馳赴大沽造礮臺戰艦徵

沔陽州志

卷九 人物

宦績

二十一

兵募勇復編查保甲以杜姦細夷不敢犯錄功 賞戴花
翎升直隸按察使決獄慮囚無枉無縱二十三年擢直隸布
政使核正存庫嚴查虧缺官吏均奉法維謹二十六年擢雲
南巡撫未幾兼署雲貴總督清理銅政察漢回構釁之由思
平其爭旋調江蘇巡撫去滇後湘陰李文恭侯官林文忠相
繼蒞滇所經畫皆本建瀛爲創始也二十七年二月抵蘇撫
任時漕運頽敝咸以幫費太重官項不敷大戶彊抗小戶逋
負以故挪墊虧虛官民交困又倉規甚繁經紀視費之多寡
爲米之上下規增費鉅流毒滋甚建瀛奏倣陶文毅海運之
策召僱上海沙船及粵省蜃船共二千餘艘裝運漕米二百

萬石有奇一切經費以歷年辦漕雜費充用不請國帑停運糧艘水手酌給口糧五閱月全漕安抵天津省官民費數百萬二十八年下河七州縣被水災甚劇因訪延正紳專辦撫卹另派員稽查籌賑三閱月保全無算二十九年擢授兩江總督五月江水泛溢兼之霖雨失時沿江行省被災者數十州縣建瀛捐廉飭委撫卹兼造棚施藥復通飭州縣協力籌賑民困始紓初陶文毅督兩江以鹽引滯銷帑課日絀乃令淮北改行票鹽頗效而淮南未之及也至是鹽政大壞其故以官價昂於私價官本重於私本而成本過重之故又在銀價日貴浮費日增建瀛思更張之與同官議久不決是年十

沔陽州志

卷九

人物

宦績

二十二

一月湖北塘角大火焚鹽艘四百餘隻燬鹽二十六萬七千餘引銷折商本四百餘萬商困不可支建瀛乃奏准改行票鹽得旨允行每引增給二百斤無課之鹽引多額廣儘人領運無舊時驗費折扣之煩自四月開局收稅至十月奏銷已酉全綱課銀四百餘萬兩報解節省浮費銀三十萬兩報部候撥減輕商本銀四百餘萬兩楚西岸店全裁歲省陋規銀百餘萬兩合計江廣皖蘇食鹽歲減制錢二千七八百萬緡商民歡聲動地時粵匪初起建瀛飭屬嚴查戶口保甲以杜亂萌咸豐元年秋河決蟠龍集建瀛星赴工駐鮑家樓與河帥楊以增籌款築堵奏參昏貪誤事之邳北通判丁承

鈞等擒斬捻盜百餘匪徒斂迹復倡屬湊捐銀二十萬兩撫卹流民所請餉四百五十萬半廳員所估價明年二月十四日合龍旬日間風暴復潰 廷議革河臣職留任建瀛降四品頂戴在工籌堵秋粵賊陷岳州連陷武昌十一月授建瀛旨沿江各行省督師星夜馳回江**宣**駐省八日率所部督標兵馳扼九江檄壽春鎮恩長以部兵進剿三年正月遇賊於廣濟之武穴以眾寡不敵兵潰恩長陣亡建瀛退至安慶兵已先十日移駐廬州乃上章自劾且陳明三江全局首重金陵宜折回籌防爲同官所劾奉 旨逮問並查抄家產

而路梗部文未達建瀛所遣福山鎮陳勝元與賊戰蕪湖亦

沔陽州志

卷九 人物

宦績

二十三

以兵寡覆沒勝元陣亡賊遂長驅抵江**宣**江**宣**城守兵止二千餘人不敷布置外援復絕建瀛激勵將士晝夜 梭巡相持十三日逆首楊秀清遣窰匪於儀鳳門外穴地轟陷城垣建

瀛聞信馳晤將軍都統商堵勦策至十廟遇賊攢刺死

金陵收復

啟建瀛棺驗凡骨被九傷江督會國藩據以入奏

武巡捕佛爾國春與親兵十餘人

亦死之署布政使涂文鈞舁棺瘞建瀛督署東水月菴側實二月十日事也建瀛倜儻有大志居官所得俸隨手輒盡先後助賑助饗凡十三萬置義田以贍族黨親識從之遊者皆加厚餽於當世文人才士深致敬禮官江督時聘長州陳徵君奐督刻郝懿行爾雅義疏胡培翬儀禮正義金鸚求古錄

皆經學中大著作也嘗奏請學政府州縣兼試士子性理論以端本原之學至今頒爲 令典所著詩文遭亂盡散佚惟木犀香館賦尙存子五鍾漢鍾江鍾海鍾泉鍾澤

周揆源原名鑣字鐵臣由進士官刑部主事治律明細吏不敢欺嘗平反通州康王氏謀殺姑重案奉 旨得優叙先後隨侍郎黃爵滋等經審天津山西陝西河南蘇州山東六省案件時稱平允二十九年京察一等 記名授福建泉州府遺缺知府三十年授建寧府咸豐元年補邵武府邵武溺女屠牛風甚熾揆源嚴示禁廣設育嬰堂且與同官釀貲爲緝捕費嚴戒武營受規包庇三年粵寇竄擾江右鄰境土匪四

沔陽州志

卷九 人物

宦績

二十四

起揆源於郡西黃土關築城樓環雉堞會營防守附近金坑一帶編甲嚴查又修建杉關雲礫鐵牛火燒山頭馬陵各關砲臺閩西門戶倚以爲重四年署建延邵道士民爲立生祠七年督剿漳州平和縣梨林社土匪其地爲海舶通商要道頻剿未靖揆源曉以利害許其自新計擒渠魁十人置之法餘皆省釋士民歡聲雷動八年克復政和松溪縣城奉

旨賞戴花翎復回邵武本任時兵火之後城舍蕭條揆源嚴團防卹遺孑稍復舊觀同治元年陞授督糧道旋署興泉永兵備道月發兵餉例扣平餘歲可二千兩揆源實給兵弁感說與邑紳廣設保嬰局多所全活二年署福建按察使揆源

性和厚持重與大吏意歧遂於四年告歸主講邑聚奎書院多所造就復捐修文廟書院考棚及賓興諸費一時善舉多賴以成著有孔孟年表聽春草堂詩鈔八卷後鈔一卷子應淮安徽巢縣知縣

李烈文字秀廷性孝友事父先登曲盡子道同懷四人終身無間言好讀書兼通數學著有清芬館古文六壬捷占等書道光五年舉人十三年進士初知江西新喻縣事值大旱烈文捐廉賑撫全活甚眾繼宰崇義甫下車捕巨盜廖猴子置之法邑旗陽書院久廢籌款修葺捐俸助膏火甄陶士類文風丕振丁酉分校鄉闈所拔士三度常一縣令時稱得人南

沔陽州志

卷九

人物

宦績

二十五

鄉有泉灌田萬頃涸數年烈文爲文禱之泉湧出歲常有秋顏曰福惠泉崇多山患虎一日數黑虎見某山出入飄忽獵者不敢搏又爲文禱城隍神虎咆哮去居官清廉雖久宦囊橐蕭然年未五十解組歸子四清士廣東補用知縣慶佑舉人國史館謄錄清士初由監生援例加廣東縣丞理問升銜咸豐八年在閩投効屢次出力防勦有功保知縣加五品銜賞戴藍翎遇缺先補以母老假歸卒於家清士生而穎異狀貌魁偉能挽二百石弓慷慨有大志爲文氣勢汪洋有韓潮蘇海之目賚志早歿識者惜之

王端卿字渠門祖晴東性慈厚喜周濟貧乏端卿學識純毅

道光十一年舉人二十四年大挑知縣歷署直隸延慶臨城威縣雄縣等州縣所至有聲咸豐三年解組歸嘗督修隄防工鉅費省以歷辦團練釐金功保奏同知並經理漢川水陸總局安徽巡撫唐訓方保奏授安慶府知府未之任卒

陸崇瀛字莊生舉人初任廣西富川俗梗難化宰率託他故去崇瀛三泣富川宴如也繼宰凌雲邑東鄉巨族某率衆抗糧崇瀛親往曉以大義咸感愧輸將縣境有逆匪滋事崇瀛率練勇滅之以功 賜藍翎擢廣東同知咸豐五年六年充鄉試同考官所取多知名士崇瀛在都下久從遊者衆侍郎衍秀編修蔡紹楷皆出門下子二鶴年候選員外郎世昌貢

沔陽州志

卷九 人物

宦績

二十六

生姪鍾珣字子玕援例授四川安岳縣知縣在任年餘政簡刑清設立緝捕相驗招解三費局並刊行所著章程嘗奉委督辦西陽州重慶府一帶軍務勦滅定遠璧山彭水等縣逆匪殲厥渠魁功甚著補新津縣未蒞任卒

張鴻衢字兩如又字壽泉戶部員外郎錫端子也官刑部主事山西司行走陞郎中精敏廉幹上官皆倚重之委審讞局積案多所平反有巨盜唐癩子扳陷善類多名誣服待決鴻衢訊實立昭雪後以道員分發直隸仍入讞局署霸昌道時海疆戒嚴奉 旨協辦天津等處軍務贊畫悉中機宜寇退授順德府知府裁汰陋規屬邑稱便時以早逋賦拘繫相

望爲詳緩以蘇民困未幾解組歸

戚天保字少雲幼聰穎有至行五歲讀小學能解其義遂終身奉行親疾衣不解帶弟天佐家口繁屢值荒歉天保一身肩之猶子六半列膠庠登仕版皆賴曲成道光十五年舉人二十七年進士權湖南安化縣知縣其時積案如山天保悉心清理囹圄一空士民咸以戚青天呼之值蛟患捐廉施粥全活甚眾調署新甯先是會匪蠢動江忠烈公忠源集團練擒首逆當事不肯窮治未幾李沅發之亂作天保至練勇計擒之叙功擢升知州尤能振興文教識拔人才今兩江總督劉坤一雲貴總督劉長佑並天保門下士也旋補澧州陞知

沔陽州志

卷九 人物

宦績

二十七

府加道銜署寶慶府事所至有政聲年六十四卒天保愛民好士以利濟爲懷家居沔東數苦水族眾多貧不能葬天保捐置義田三百畝歲入以贍族人其樂施濟眾多類此子開萃舉人雲南浪窮知縣性至孝咸豐間兵亂每聞警卽侍母側母有病湯藥日數次皆躬親孫文榘

會化南字愛棠以舉人考取覺羅教習年滿選授四川梁山縣縣西北有半壁山多聚強梁弗輯將爲巨患化南甫下車卽單騎入其巢諭以大義許其自新皆翕然向化丁父憂歸以講學爲事多所造就陸侍御光祖賀廉訪良貞皆其從學士也同治初元曾文正國藩督兩江飛檄招之奏署蕪湖縣

事時蕪邑甫平善後事宜如修城垣清田畝設普濟院皆爲大府所賞尋補當途縣知縣亦多善政未逾年引疾歸築居黃蓬山麓不入城市粗衣糲食以儉約訓其子姪子廣惠庠生

李道湘號九飄沙湖人幼聰穎好學安貧道光甲辰舉於鄉會試屢薦不售由宗室教習選授柏鄉知縣輕減差徭明決獄訟獲私鑄者監禁之或謂可邀保薦道湘曰吾不以人命易功名也卒從末減時土匪滋擾道湘糾合鄰邑團練堵禦境內宴然以疾卒於官輿櫬乏資賴同官賻助乃得歸百姓哭送於道道湘素性厚以孝友聞族戚故舊稍有得輒分潤

沔陽州志

卷九 人物 宦績

二十八

之子二長紱藻同治辛未翰林授檢討孫六長烈欽庠生陸鍾漢字東漁才質英異弱歲擅文譽湯戶部鵬見鍾漢少作拊其背曰他日必名動海內道光二十四年舉人咸豐元年以蔭生考授員外郎奉天司行走轉廣西司主稿每定讞悉心研究二年父建瀛在南河工次奉 旨督師時岳州武昌相繼淪陷鍾漢知江左兵柔脆不可用因疏陳另籌協

濟由堂官代奏

略云賊勢方張臣父以三千兵勇當數十萬猖狂之賊萬方棘手早在 聖明洞鑑之

中臣聞長沙解圍實資鎮軍兵力仰懇 聖恩 迅飭向榮即派鄧紹良代領鎮軍兵速赴九江聽臣父調度臣父前任天津道辦理海防所恃以無虞者乃義民局練勇津兵健鬪設局收招交紳耆鈐束而以臣聯絡之擬請 旨飭下直隸總督臣納爾金額 迅飭天津道張起鵬挑選千名分爲四起由昔日紳董管帶臣即前往會同帶赴九江聽臣父調撥

在義民思臣父舊恩必倍出死力在微臣爲
臣父効命當益殫血誠稍有疏虞臣甘治罪疏入而武穴之

敗 聞事遂寢建瀛獲重譴鍾漢亦隨案被議既復變產助
餉以主事用改官江蘇知府奉檄往滬局驗米幫辦軍需局
時按察使查文經由上海移營高寶徵鍾漢往治文案五月
十三日泊江陰東鄉斜橋口洋沙鎮練勇樊添詳等率土寇
藉詰姦細名掠鍾漢舟並叢刃戕鍾漢死僕從船戶死十九
人鍾漢慷慨好義同邑舉人劉炳章病歿京師鍾漢爲營醫
藥棺斂范錦文劉勣廷客死鍾漢皆爲治喪厚卹其孥他類
此者甚多所著書已成者有宋會要錄浴鶴書屋詩文集若
干卷子光祖進士歷官刑部郎中記名御史

沔陽州志

卷九 人物

宦績

二十九

陸鍾江字子岷母史氏以江生日死鞠於繼母袁氏遂嗣焉
稍長知其故哀不置衣被飾物扁一篋見諸姑伯姊及媪婢
窮問母遺事涕洟被面其至性如此建瀛狗江宜之難狂夫
造飛語謂建瀛生爲賊謀主道路傳言咸切齒視鍾江鍾江
年十七在淮南乃急奔渡河復恐肘腋生變遂罄篋中金散
其僕從自賃敝車奉嗣母及諸弟妹投舒夢齡登萊道署已
就吏部銓授廣東高明縣知縣總督勞崇光器之委署龍門
既之任以計擒盜魁數人決難獄三四十事初邑有四人出
行不歸其家各以所讎訟鍾江按之不得實適以農事郊行
見新塚巋然徒眾工作未已衰經十數人祭塚畢席地飲鍾

江察有異猝命鑿斧毀其塚則四人者洞胸裂腸枕藉一阱
讞既定神明聲大起舉人某虎而冠善持令短長至是避居
他所地方以靖越二年赴高明時城爲客民叛踞鍾江初入
境見客民屠土民居立斬數人以徇於是客民謀要執鍾江
於路鍾江左右健者數十人手火鎗以從暮宿瀕河夜半客
民乘風擢舟屬至鍾江命發鎗擊沈賊舟三他舟風逆不得
旋遂舍舟沿岸遁鍾江大呼直前馘三百人以歸自是客民
相戒不敢犯嗣貸鄰邑錢二百緡練土民爲軍出奇計攻
客民鄉以所得財粟充餉凡十月復高明城由是謀生聚籌
教養邑大治遷香山知縣香山故腴邑而困於軍需鍾江加

沔陽州志

卷九 人物

宦績

三十

意拊循民德之納歲租恐後以積勞卒年二十七三邑之民
皆會弔如失慈父母云

黃兆源字東沼由詹事府供事議叙府經歷分發湖南道光
二十七年委辦新田善後事多所保全明年署乾州廳經歷
苗匪石觀保楊正富孫文明等煽誘鳳永二廳苗佃抗租焚
糧撲卡於補毫寨乾州同知某委兆源經理兆源招選鄉勇
駐善鵠營相機堵勦仍曉諭有呈繳刀矛器械完租者免死
於是苗佃歛服遂獲石觀保於干溪寨大吏重其才委代理
保靖縣事二十九年補鳳凰廳經歷咸豐元年粵寇倡亂土
匪蠡起辰沅永靖兵備道鍾鴻音委靖州防堵二年粵匪陷

全州巡撫駱秉章委兆源管帶苗兵二千餘赴衡永堵禦兆源約束嚴整民稱不擾復調省應援數挫賊鋒九月總督程裔采巡撫駱秉章復委平岳州臨湘土匪十月粵匪北竄復調往常德迎勦十二月粵匪由益陽竄湖北南省肅清叙功陞署沅江縣知縣三年調署芷江縣芷當雲貴之衝山多箐密易藏姦盜兆源懸重賞拏獲著名姦匪彭曹操尹廣鷄公等四年七月調武陵縣兵火之後瓦礫塞途乃上書請修署募勇安集招徠除陋規以甦民困抽釐助餉餉裕而民不擾六年崇通土匪竄擾岳州鼓山一帶復調署巴陵兆源以土匪負固山谿勦此竄彼勞眾糜餉恐難成功乃作團練事宜

沅陽州志

卷九 人物

宦績

三十一

諭士民行之並關知崇通官紳設法練勇搗巢復勸修楊家坪等處碉卡是年旱蝗兆源設重賞收捕幾盡經大憲保奏陞直隸州知州巴邑濱湖各村歲患水而賦如故兆源爲陳明除滅八年逆匪石達開由江西擾湖南號稱二十萬圍攻寶慶辰常岳郡皆戒嚴時南省兵勇調赴安徽兆源徑稟北省各憲調撥水陸各軍來南助勦北撫胡林翼飭遊擊會廣翼帶砲船駛赴臨資口遏其出路卽補道李績宜統帶馬步隊萬餘人與布政司銜劉長佑徑赴寶郡合勦聲威大振石逆畏竄廣西南省平十一月營兵以事鼓噪毀官署經兆源彈壓寢息大府獎其操縱得宜益重之九年八月參將梁開

國稟稱岳郡存城兵三百一十名太寡弱懇將水師一營協

城守巡撫飭兆源會議兆源因將水陸添減情形繪圖貼說

成數干語大略言湖面潦澗水師一營不足彈壓每年搶劫

益岳州原設洞庭協乾隆六十年因苗匪滋事改歸常德現

常德有提督駐紮且距苗疆遠請將協任歸洞庭在常德無

所損而在岳郡大有裨岳為南北交衝非重兵不足資捍衛

更由他營增撥兵六百名嚴定章程責令弁備時加訓練養

成勁旅則水陸永保無虞矣書上巡撫用其言入奏允行邑產黃藤草有

毒殺人鄉民偶緣細故每輕生構訟兆源作黃藤草詞曉之

習遂除以積勞卒於任兆源性剛毅待父母則婉愉兄開鏡

早卒無嗣撫堂姪候選縣丞登元以續其祀弟開甲得痼疾

衣食皆資給之撫姪登朝登廷皆得所著娛性堂詩鈔二卷

沔陽州志

卷九 人物 宦績

三十二

隨管錄二卷生平善丹青題句皆蘊藉可誦人爭購致之

黃經緯字亞笙父恪祖太學生積學未遇性篤厚善體親志

兩兄早逝事孀嫂委曲盡禮堂叔母青年貧寡迎養家中歷

數十載曉勸族人務耕讀勤本業咸豐四年髮逆犯沔經緯

督勇禦賊有功八年中本省鄉試馬六里舊有集誠書院經

緯承辦復設立賓興公車卷價等費建忠烈祠於書院右知

州梁照採紳民議舉孝廉方正辭不受授石首縣教諭兼主

繡林書院教學不倦士論稱之卒於任子壽祺歲貢生

戚開蓉字鏡江少勤學尚節義咸豐四年兵亂父母被賊執

開蓉挺身出與賊酋抗論賊義釋之由是枕戈待旦矢志殺

賊援例入粵東藉圖報効爲提督崑 賞拔調轅協勦梧州
賊每臨陣身先士卒歷破賊巢以功奏獎奉 旨賞戴藍
翎加六品銜旋補潮陽縣丞泣事三月有政聲適閩賊竄逼
潮州之大埔大埔令委印去太守知開蓉能任事檄權大埔
篆時賊距城僅三十里人情驚恐開蓉捐資募勇激以大義
曉以鄉團相保法親率勇丁登陴固守並積鄉團力戰擊賊
合境宴然年四十六卒於韶州之英德縣

戚開芹字香海由廩生任武昌府訓導改江西知縣權鄱陽
鄙人素健訟開芹爲理積案杜流弊無情者不得逞屢祈甫
輒應事親孝弟兄六析居己五載開芹宦遊仍合爨後復析

沔陽州志

卷九 人物

宦績

三十三

居推所置產均分生平尙義遇貧乏不吝推解官江右之時
家園苦水親友聞義踵往館餼外贈以資年五十二得子人
皆謂種德之報年六十無疾卒子文翬

李涵春字香甫庠生有幹濟才咸豐四年粵逆陷沔涵春練
鄉兵佐知州蕭蔭恩克復州城叙功保加六品銜任棗陽訓
導棗以巖邑屢被兵文教久廢涵春勤於課士風蒸蒸上豫
捻蜂擁數十萬圍城邑宰率練勇迎擊不利涵春借箸籌之
竭力戰守一邑宴然巡哨者獲十餘人將盡戮之涵春惻然
曰不訊而殺非仁民之道亟請提訊果商民被賊虜而逃者
盡釋之上憲嘉其功保奏以知縣用丁母憂歸課徒里門曲

成寒峻不少

鄭東華字春圃天姿穎異風流自賞文學優贍本經籍爲發
抒道光二十五年進士卽用知縣簽分四川歷署墊江天全
各州縣題補新津調署金堂永川縣丁憂服闋選廣東平遠
縣調補澄海縣所至皆有政聲

胡濟川字枚臣篤學善教門下多特達士咸豐四年率練勇
勦賊有功辭不受賞鄉試屢薦不售胡文忠公亟獎其水師
一策遣徵不就以優選攝篆湖南嘉禾山險民貧教民蠶桑
民利賴之嚴懲土豪政聲大噪移署永寶病卒著有稻花香
館詩文集四卷蠶桑簡便錄一卷子壽禧庠生見孝友傳孫
沔陽州志

卷九 人物 宦績

三十四

柏年亦庠生

張紀麟字漢卿號雪笛少磊落有大志從其伯兄紱麟讀爲
文英氣逼人而試輒不得志援例授職從九品分發安徽大
吏以國士目之任宣國湖樂司巡檢時兵燹之後田畝混淆
奉檄勘丈躬履鉤稽豪黠者不敢侵漁郡縣均相引重適值
山水暴發災黎鳧浮冒暑設法拯救竟以染疫暴卒士民咸
泣念之年僅四十

陳文楷字端甫咸豐四年粵匪竄沔文楷襄辦團防以功保
奏從九品選雲南永北廳司獄永北軍興日久田糧不清官
民交累文楷至奉委清丈糧均額復地有不能開墾者分別

請蠲中甸爲雲南極邊四時雪積五穀不生向設釐局大爲民擾文楷奉檄來辦謀之邑令議裁令難之獨稟上官得如所請因考補威遠廳知事威遠華夷雜處舊俗土司觴漢官擇夷女當筵侑酒文楷見而遣之曉以廉恥俗遂革嗣以老疾告歸七年卒於家子煥藻廩膳生承其兄棠祀

宋大熾字壽廷賦性剛正好讀書咸豐初團練兵起捐金助餉巡撫曾國荃給六品軍功尋援例從九品歷署四川郁山石堤西界巡檢補授龔灘巡發同治八年石堤旱斗米錢一千大熾捐俸平糶賴以不飢士民立德政碑頌之又委辦育嬰堂大熾以薪水助之後卒於官

沔陽州志

卷九 人物

宦績

三十五

王冕南字玉泉篤內行父寢疾以身代枕者四十餘日

父樹菜

子詩有淚下青燈身代枕花簪紅杏筆生春之句

少有文譽試輒冠軍由同治二年

進士卽用知縣歷署福建光澤甯德福安福清等縣手記日行冊以自警迄解組無間光澤值兵燹之餘冕南招集流亡元氣漸復分校庚午科鄉試題補上杭以賢能調侯官因臺灣倭警檄署霞浦以固省垣北門累官海防同知及福州福甯知府於通商發審諸務均措置得宜建書院勤課士清積案所至皆著賢聲上杭甯德福甯立有生祠前海防大水冕南拯援不憚勞勩因溼致足疾迨法夷構釁冕南盡心規畫疾益劇假歸州牧聘纂州志多所定正未成而卒子五濟霖

候選同知早卒寶珩庠生

余天佑優廩生任安陸教諭補葺學宮不辭勞瘁遇寒峻輒推解玉成之後升湖南安福知縣勸農桑敦教化清潔自持士民愛之

文昺字豹材少聰穎八歲能詩十二三有文名從監利王柏心先生遊學益進同治壬戌恩科舉於鄉屢上公車不第辛未科大挑二等選應山縣學教諭光緒庚寅推陞黃州府學教授前後在官二十餘年訓迪有方士林誦之壬辰卒於黃州任所宜都楊守敬同年友也爲作墓誌並書而勒於石

沔陽州志卷

人物志

儒林

儒林傳昉自馬遷宋史則以經師訓詁之徒未可方駕程朱增立道學一門然儒林可賅道學蓋其修於身施於事及於物著於文章者皆足以爲功於名教而非一經墨守者所能望其項背也沔號文章淵藪至於學行兼備者五六百年來祇寥寥數人焉膺斯選者蓋難其人哉志儒林

明

沔陽州志

卷九 人物

儒林

一

童承叙字士疇有異質八歲過目成誦早失恃繼母張性嚴承叙善事之大梁李濂與李夢陽何景明號中州才子守沔時奇承叙才勉以詩古文詞承叙益攻苦下帷讀楚詞文選及六朝文咀其英華正德十四年甬江張邦奇督楚學見承叙文嘆爲眞楚才薦於巡按毛伯溫以詩經舉鄉試第二明年成進士世宗入承大統授承叙翰林與茶陵張治蒲圻廖道南號楚三才而承叙尤俊邁館試輒冠其曹嘉靖十一年遷國子司業疏明監規五事學政六事涇陽呂柟爲祭酒倡明正學討樂律興典禮承叙與之協力講求柟喜曰吾教其復興乎與修實訓實錄會典諸書進左春坊左庶子兼侍讀

十四年分校會試十九年主順天鄉試得人最盛二十一年
嚴嵩入相承叙疏省墓歸與親知文酒唱酬自適旋病卒世
宗悼惜遣官諭祭承叙在詞垣二十餘年世宗御經筵承叙
講立政諸篇惓惓於用正人端國本聲徹殿陛世宗喜動顏
色賜飛魚服常遣中官問童先生安否時夏言當國忌承叙
才又學士多賂貴要得美遷而承叙恬澹自若也先是承叙
在館職大學士楊廷和楊一清雅重承叙張孚敬以議禮驟
登政府新進蟻附承叙獨閉門寂守常奉使唐藩唐王厚幣
請爲文獻之而卻其幣其風節如此書法遒逸似趙吳興少
爲文章喜藻麗中年刊落鉛華嘗致書李濂曰往者爲文多

沔陽州志

卷九

人物

儒林

二

取事實近稍擺脫獨出己意豈犬馬齒長蓬心漸開耶抑數
年憂患而有所激昂耶承叙所作沔陽州志與康海涵武功
志王九思鄠縣志並稱海內詩文多佚有內方集八卷行世
陳柏字憲卿號蘇山童時州牧李濂見而奇之萬曆十六年
舉於鄉北遊太學賦鏡光篇海內文人賞之益肆力古文詞
與程文德鄒守益交昌明正學三十八年成進士奉命治大
學士張治之喪父卒服闋授兵部職方司主事陞武庫司郎
中以才望調職方掌印時兵部尙書楊溥巡邊凡奉草用人
多出柏手嚴嵩當國柏陽奉其意卒無所屈嵩惡之及例轉
京堂出爲山西副使井涇兵備道下車值早以身禱大雨立

沛作時雨軒記丁母憂歸士民遮道泣送忌者爲流言中之
遂絕意仕進肆力金石竹素之業所著有見南閣來青軒詩
文選借山亭集職方奏稿大業堂尺牘復中語錄沔陽人物
考數十百卷大學士陳以勤張四維序柏文謂足名後世必
有知之者年六十餘居里中修高年會比香山洛社生平恥
言人過獎善憐才汲引後進如恐不及子文燮授光祿監事
負才早沒次文燭自有傳王浩冲日世之盛正學之盛也天
地血脈乃鬱淹弗屬何哉昔者教
化休明人才輩出耳目觀摩風教鼓盪蓋師友之道實盛
云安得奉杖履陳俎豆優遊進退於童陳二公之後也

王道正字直夫端方純潔好古深思萬厯中聞管東溟先生
倡道蘇州負笈往受業數年盡得東溟書如六龍解七九辨

沔陽州志

卷九 人物

儒林

三

求正牘酬咨錄諸集研窮精思造極闡奧又師葛屺瞻先生
精通易理

國朝

彭羽儀字于達其先世以尙書名家父庠生登庸字若石性
方正兀坐力學兄羽健亦庠生羽儀早補弟子員見知於學
使高世泰屢試不遇潔己正行好學不倦年七十猶啣晤達
且評論古今參定先正義疏廷試例應博士不就以明經終
崇祀鄉賢祠

秦士顯字盤仁一字別隱風儀秀整敏悟篤學精研宋五子
書時推宿學武昌知縣張慄聘主講席州牧禹殿鰲建玉帶

書院延爲師與漢上李廷偉著四書曉義學者宗之詩文醅
茂典雅刊落浮華於許氏說文亦有詮釋著字典通箋病草
猶手錄不休子家潤家理皆庠生

劉揆字文白號蟄庵天才卓犖姿容英偉由選拔 廷試第

一聲譽頓起時和坤當國欲令出門下諷之往謁揆遂拂袖

歸觀察紀秋槎聘掌聚奎書院成就甚眾性剛正所居室鬼

魅不敢近隨園詩話言揆剛正能驅鬼怪有某女子爲鬼所
崇自稱丁相公揆知是野廟木偶執而枷之遂絕

精醫術能別生死好學至老不倦博通古今晚歲致力春秋

易簣之夕猶反復論衛侯復歸爲勢難復國云卒時鴉數百

頭悲噪寢室聞者異之著春秋蒙求二十四卷禮記存疑二

沔陽州志 卷九 人物 儒林 四

卷論孟集註附考二卷大統麻註一卷勾股淺說二卷綱目

附考二卷荒政錄四卷捕蝗一卷玩草園文集六卷詩集六

卷學使朱士彥咨呈 國史館 學使張之洞序其書曰沔陽
學生劉德璜老矣遣其子抱

其曾祖蟄庵先生著述七種來之洞悉取而讀之殆所謂篤
厚力學君子也其所纂著惟春秋蒙求爲初學而設禮記存

疑則糾摘其不合理道不近事情者百六十條不用考據專
以義理析之如明梅薦尚書考異 國朝崔東璧考信錄之

類動中要害自與考據家暗合也綱目附考皆駁正尹起莘
諸人之謬說荒政錄綜引經史及先賢文集其備豫而救急

者皆具焉聞已雕板文集有雜文古賦皆有理致蓋致力於
昌黎習之兩家古文者其大統術註則留待習疇人之學者

爲之斟酌
而傳之

張泰來字亨大號陸泉歲貢生博覽強識行事一以經義折

衷居弟喪九月同人敦促赴試泰來致書言前代韋義譙元

度尙楊著陳重陶潛之屬以兄弟姊妹從父兄之喪皆去官持服官且當去况其輕焉者乎郭積冒總喪赴舉爲同輩所訟付御史臺劾問總且如此况其重者乎曩者僕遭劉氏伯姊叔父從兄劉氏仲姊之喪各值科試皆未往應獨故妻吳氏死方半載以初當歲試未敢求緩期事後思之每深慙負吾輩仰企古人安得顯悖名教今乃蔑棄手足之戚奔馳科名之途誇耀文章斲喪至性縱令國典無禁鄉議本寬返之寸衷其能宴然否乎泰來又以李穆堂宗子主祭議爲未愜作書後數千言載書藝文詩宗淵明子美昌黎朱子文宗桐城方氏純以理勝少時頗爲駢文後乃講求有用之學凡朝章國

沔陽州志

卷九

人物

儒林

五

典吏治民情皆必思其措注之方著有七經纂要知意劄記口議文集若干卷總名曰補希堂叢書子鵬雲字翼超亦博治能文著述甚多其樞星辨詳祠祀

張錫穀字蓮濤父至裕舉人有義行嘗爲伯祖母黃氏建坊倪氏姑請旌並舉倪氏四棺皆竭館穀爲之錫穀性孝友至裕病祈以身代於昆弟生成其學死恤其孤乾隆己酉舉於鄉明年捷南宮歸班揀發貴州厯署下江廳通判都勻印江清平黃平開泰州縣事專務德化不尙刑刻開泰有兄弟衿而訟者錫穀傳集鄉約宣講聖諭第一條訟者感泣又有伯叔兄弟爭財者爲引陸清獻宰靈壽時講中庸妻子好

合二節軼事剴切曉諭各泣下不願終訟印江俗嫁女賠奩
曰縱貲女故索奩曰索貲不遂輒以人命興訟錫穀廉得其
情力加懲治且作詩歌動以天良風少息建近奎書院課生
童鄰省酉陽秀山諸縣人皆來學充貴州鄉試同考官稱得
士居官廉潔有爲官不要錢百姓得安眠之謠解組歸囊橐
蕭然藏銅雀瓦硯一歸裝以此爲重著有雀硯齋詩古文又
著天門縣志及志館叢嚙黔憶前後編若干卷卒崇祀鄉賢
祠

沔陽州志卷

人物志

篤行傳

士之學爲聖賢者尙己若夫內行敦篤隱德不曜平日規趨矩步足以楷模後進矜式鄉閭者蓋所謂誠篤君子也自士習不競一時負藻耀而燦聲華者往往馳逐於文藝之末得諸君子砥礪名行足以振靡而式浮矣

志篤行

明

吳惟學字子勤副使吳欽子正德己卯鄉貢除邾縣教諭復

沔陽州志

卷九 人物 篤行

一

除英山未幾卒惟學直諒端謹見推士類事母以孝聞提學副使張邦奇舉楚士有學行者七人惟學與焉在英山勤於訓迪人士敬服既遷葬當道褒獎英山人士歸其櫬於家

高貴字性夫沔衛人以禮記授郡中安貧苦學嘉靖中與王鍾考貢湖南溺於洞庭

蔡綬字公佩貢生任直隸吳橋訓導以尙書授郡中嚴而有法卒祀鄉賢祠

胡述虞字厯生一字子儒忠信博聞人也事繼母孝諸兄弟皆彬彬儒雅相師友於書無所不讀問字者屢恆滿家甚貧然生平無逋賦公門絕跡與人處遜志善下恂恂若赤子善

飲醉必繼以吟歿之日猶橫經口授不絕著四子哀言及今
古文懶愒等集藏於家友人馬孝廉學衣志其墓有曰太初
以爲本勤學好問以爲業眼有千古胸無世故人咸以爲定
論

國朝

謝世則字子言才質英異工文翰由進士授江西袁州府教
授訓飭有法士風丕變陞國子監博士端師範勤講課士咸
敬憚遷工部虞衡司主事監修 孝陵告成賜綢緞等物陞
本部員外郎提督淮徐河道盡瘁督修河工鞏固年方強仕
遽告終養家居三十餘年不事干謁人以比澹臺滅明弟世
沔陽州志

卷九 人物 篤行

二

弈字子梁歲貢生授長陽縣教諭長陽無崇聖祠捐金倡修
慕蘇湖教法多所造就邑人勒碑頌之後歸里門介節自持
不濶公府惟以經藝課子世則子載秩自有傳世弈子載瑚
載連均貢生能守父訓

瞿懋甲字欽一號幹長原籍安陸府庠生崇禎末避賊至沔
遂家焉力學攻苦以春秋教授生徒李曦李韡周一化王應
煜俱出其門康熙二年舉於鄉九年成進士未仕卒

馬翰如字六來生平狷潔方正嚴取與攻苦讀書究心閩洛
之學年五十餘始以通山籍舉壬子鄉科春闈未竟卒於燕
邸貧無斂資同事爲之輿櫬歸里

張之溢字九滄性穎異康熙間以習春秋經中鄉會魁授撰
文中書晉戶部員外郎辛酉科山西正考官性淡泊不附權
貴時相某欲羅致門下之溢介然不少屈時相敗獨免株連
丁父艱歸竭力奉母終身不仕居鄉醇厚不以顯貴傲人弟
之滙以明經教授新田擢廣西上林令之溢子棻廩貢生篤
厚樸謹有家風

胡康字平叔號青城山人豫章侯美十世孫康幼靜重如成
人及長性淡泊尤孝友家事盡付季弟生平忠信篤敬喜怒
不形比鄰有橫逆者康徙居以避己而其人自殞里人迎返
故居早歲補諸生授子弟經學攷訂冠婚喪祭之禮善作擘

沔陽州志

卷九 人物

篤行

三

窠書間游戲丹青有虎頭石田筆意著有白石齋集四卷畫
中詩二卷

陳志道字澤來居江北里寄籍天門學康熙五十七年貢生
端介簡靜不尚浮華嗜學工書訓生徒以古道相期許人稱
宿學撫育孤姪無異所生年七十餘未仕卒

蕭德溥字謙存揚橋之子穎慧夙成器識沈凝承其家學蚤
工文補諸生尋食餼潛心四子六經性理綱目諸書曉夕鑽
研爲文思議湛深才氣凌厲晚益精潔處父母兄弟間至性
純篤仲弟景文歿教育孤姪生平不涉脂韋不尚標榜中康
熙癸巳恩科兩上公車不第賚志以歿

王大藩字介維號雪城諸生博涉典墳尤研心濂洛諸書侍母湯藥年逾六十不少懈里中從游者甚盛嘗云士貴植品犇走公庭徒自潰防耳年八十餘飲酒坐逝子恢登雍正乙卯賢書

陳國正字蓋言五嶽山人文燭後承其家學篤志力行補弟子員修名檢行非義不爲雍正七年舉優行子欽列庠生能文早歿鐸亦有文傳世

龔一林字鰲峰其弟一柱廣西陸川知縣一夔庠生相與敦品崇修課讀之暇必講求孝經性理諸書一時名士多出其門書法懷素孫元燮增生光世庠生著勤修齋古文

沔陽州志

卷九

人物

篤行

四

黃石授字素書西方爛泥湖人明職方日芳之孫也器宇端凝幼工文詞長益嗜學性淡泊寧靜不肯逐名場有以科名勸者曰聖賢學問豈爲此乎究心理學諸書涉獵子史事親定省必著衣冠或忌日誕辰雖在客舍必遙望肅拜敦睦同氣白首如少時著有翠晚山房集子大鶴有聲庠序

陶秉均字九華父俊周庠生倜儻好義秉均生而丰姿朗徹穎慧異常應試有聲太守吳肇榮首拔之爲諸生試必先登日坐小樓中研味經史博綜貫穿爲文醇雅雍正癸卯選拔入都門名噪國雍性孝友喪祭一準古禮子世澤世湛皆庠生能承父業

戴儼字恪成號惺亭幼聰穎工詞翰郡廩生兩任桂東校官勤於課士所立規條先行誼次文藝爲人慤謹淡泊自甘而接物和霽與弟俊偕友愛唱和淹貫性理或問諸書博雅工詩得風人之旨有偶然吟讀書堂詩文集後卒於桂東子濟梅少孤力學後亦貢成均

費光旦字依鶴性純厚讀書作文根極理要不輕就有司試嘗曰學聖人之道者自淑其身心耳豈邀榮名哉鍵戶窮經不近勢利訓生徒詩酒自娛孫肇階工制舉業雍正壬子以五經中副榜

劉興藻字鳧士舉人事親誠孝母老患足疾常偃卧不能轉

沔陽州志

卷九 人物

篤行

五

側藻爲櫛沐並親滌穢器至數年不倦生平守最嚴甲辰北上夜宿逆旅同人謀試之遣麗者排闥入藻僞病固拒之聞者皆嘆服官黃州府學訓導十五年布衣羸糲授徒自給其教士以躬行實踐爲本不沾沾於文藝及門如曾世儀汪士俊士倫輩皆以學行顯截取知縣不就告歸時祖道赤壁磯下凡數百人興藻首倡留別詩和者成帙門人王祚賓題曰赤壁驪歌諸生扁舟送數十里痛哭始返歸益閉戶著書不與世接既卒黃人思之不衰有白醉山房文集一卷詩集四卷譚林一卷過庭志餘一卷文房佳耦一卷曝背閑談二卷子檢才有傳

申士珩字南軒仙鎮人歲貢生舉人錫鳳子襟懷瀟灑性質厚於書無所不窺鄉試屢薦皆不售晚年授徒爲業暇時兀坐沉思自左國秦漢以及唐宋諸家文琅琅背誦聲徹戶外酷嗜朱子書著有半香草若干卷

楊善紅字素存號澹軒楊家台人端品力學清貧自守嘉慶戊辰舉於鄉任均州學正勤於課士體卹寒峻助以膏火玉成功名士林咸欽慕之所著有七經要義若干卷

閔耀牲字鹿苹原名善彪父士俊事親篤孝親年耄多疾侍奉殷勤中裙廁膾必躬濯滌鄰人有不孝者士俊反復訓飭卒感格耀牲幼嗜學讀書嘗夜分腹餒輒食生菜菔四五枚

沔陽州志

卷九

人物

篤行

六

冷沁胸臆誦弗輟也後入州庠授徒惟勤而治家儉約淡食粗衣豐齋一節生平無片紙入公門朔望令門徒誦孝經格言族子弟與人牴牾恆親往謝過戚友不相能者苦心諧和歲八月先師孔子聖誕集同學設奠與舉人傅錫介貢生胡祖翻釀金置田爲經久費計並商建本鎮集誠書院著有表微聞見錄詩雜文集若干卷子璜自有傳

向系冠字禹彈增生性方正不苟言笑課徒嚴工制藝及古文詞晚年境益窘堅守以終

嚴有光字月波庠生植品方正足跡不入公門教學不倦名士多出其門著作悉燬於火

萬嵩字嶽生篤孝友兄性嚴急終身婉順無尤學行純粹題其室曰問心齋講程朱之學以正心誠意爲本弱冠登賢書每計偕入都終日鍵戶研慮有邀作狹斜遊者輒正容拒之入呼爲鐵漢晚年以醫術濟人不受值嘗館漢鎮里人有流落將鬻其妻者值嵩解館出束修全之著有味吾味齋詩集醫學捷徑本草便覽燬於火

胡成衍字定圃優廩生工詩古文植品端方尤敦孝友里中名宿多出門下

陳倬字雲衢庠生研究經史積學敦本其教學者以忠孝爲先喜刊先正格言訓世與黃棠閔耀牲劉興楫俱以老成典

沔陽州志

卷九 人物

篤行

七

型爲士林宗仰

魏龍驤字翁塘庠生以經明行修爲本朔望必手書先正格言勸世性嚴而和學品純粹誨人不倦弟子誦誥有蘇湖風子融皋字鳴九恩貢生性方正非義之財一介弗取講學持禮法士無行者輒加呵斥學者憚之雖至愚魯者一經陶鑄卽成佳士族黨有爭訟得數言立解生平嗜經學晚年猶研窮不輟著有經畬纂要二卷融皋子闕增生能文早沒

朱華玉字寶臣恩貢生性純謹淡名利授徒以六經爲本生平無纖芥外干著有經藝摘要

金澳字竹波弟濟字蘭坡俱庠生伯仲式好畢生藹然砥行

礪學詩書之外無餘戀足不履城市以義道相勗學者多模範焉

王樹棻字九香優庠生性方正嗜經籍善體父志督弟學以致友愛式穀嚴以道義自持不苟訾笑中年裁成後進塾規森然不以質魯懈不以年長寬課程無間寒暑或客至暫曠夜必補之尤加意寒暄束修不納更資以薪米生徒聞聲憚之一生手不停錄彌留之日猶誦先正文以廸後著有文法略選初二集行世經義粹精七卷國策輯要二卷通鑑摘要二卷典制分類文式四卷詩賦韻腴待梓以次子冕南貴誥封通奉大夫三子冤璪四子冕極均入庠

沔陽州志

卷九

人物

篤行

八

張鴻翥字伯露性孝友父丹岩早逝鴻翥總理家政率作以敬課諸弟讀如嚴師後多成立鴻翥謂文章必根柢經史手輯周禮三傳諸書撮其精要詮次成帙因數奇應南北試皆薦不售遂援例授職後選廣東惠州府通判以母老辭不赴每值歲荒傾囊賑濟人多全活以子樹煊貴 晉贈朝議大

夫當塗夏
變有傳

傅錫介字受堂舉人夙負文名屢試屢薦不售遂無意仕進研經究史造就多人

涂名椿字燕郊庠生夙有文譽性淡靜與俗無爭晚年啟廸後進孜孜不倦

唐志端字梧溪恩貢生力學端品鍵戶著書不干權貴家無擔石怡然自得歲大祲流寓襄陽古寺雖凍餒猶弦歌不輟尚書單懋謙器之爲謀館穀往來訊問不絕志端論文尚根柢善誘後進名士多出其門處衆和且恕遇橫逆輒笑置之羣小感愧相戒無犯卒年八十餘孫韻先廩生

戚光鑫字南湖世居沙鎮幼孤貧事母孝弱冠授徒自給時學者溺於帖括諸經幾束置高閣光鑫於五經訓詁悉爲研究持躬嚴正里黨無不肅敬子超字卓夫邑庠生少秉庭訓綜覽經史百家遭母喪服闋以餘哀未忘竟不與試同居有子忤其父者超戒之日爾雖不從吾學然不孝當施夏楚某

沔陽州志

卷九

人物

篤行

九

惕然改行室屢空操履彌堅一絲一粟不向人乞貸嘗謂吾家世清素非義之財死不屑也工古文兵燹稿燬無存

范宗育字稷民歲貢生性篤謹自地方舉報貞節忠孝外從無字入公就館遠省憑眺山川富於吟咏晚得軟腳疾猶手一編忘老子之淦庠生

張道彰字達菴庠生性篤實經明行修歷薦不售教士多所造就與弟道彬同居數十年無間言道光十一年歲大凶有因債鬻婦者代償贖之其戚彭姓隄潰爲出資千金致家落無怨言嘗因荒歉顧其子曰吾於義利關最嚴古人云疾風知勁草士窮見節義此時正好着力子家瑛增生自有傳孫

紹翰歲貢維翰庠生

熊漢章字槎仙別號呐呐生沙湖人庠生性純謹工詩古文詞學使朱蘭期以遠到然數奇卒困名場年四十後閉戶著書從學者皆令求實學父德璆患痰飲遇寒輒發漢章晝夜扶持衣不解帶十餘年如一日事繼母金氏如所生撫兩弟友愛甚摯析箸時推厚取薄自館穀外一介不苟取士類重之著有河干草堂詩文集并蛙錄若干卷

李翰久字墨園副貢生品端學粹繼母杜氏性剛暴諸弟觸母怒翰久卽長跪求解年七十餘依依孺慕教授生徒成就者甚衆拔貢李皋號狂直於人少許可獨服其學行折節下

沔陽州志

卷九 人物 篤行

十

之晚號迂叟

黃富春字滋田增生天性純粹篤內行事父母極誠敬弟德植病富春問醫祈禱日夜罔間少與儒士陳純儀善純儀死粵寇之難富春憶其學行輒流涕持身廉介里中如積善水龍戒煙諸善舉多方贊成遇事排解弭釁無形安貧樂志以終著世德堂庸訓四書集註質疑編年經緯表洛學求源錄教子尤以孝經小學爲踐履之實長子福舉人

向輝字樸卿性方正言動不苟日有所爲夜必筆之於書嘗採儒先語錄彙爲格言置座右人不敢干以私家貧授徒循循善誘至老不倦進士李烈文深器之年八十餘卒子春暹

春鳴庠生

王賓字昕之庠生天資明敏善屬文敦篤內行不欺閭室嚴取與慎交遊黨塾有佻達者恆糾以正論同人皆敬憚之

毛秉忠庠生積學敦品家貧授徒爲業生平不干預外事士林推重

楊楠庠生勤敏好學持身方正素孚物望授徒里中多所造就後學稱頌之

顏鼎元字玉山未冠入庠安貧樂道不與人忤善書法著書法楷模未梓幕遊江西廬陵縣而卒士林惜焉

沔陽州志卷

人物志

文苑

屈豔宋香楚有才人舊已沔挹荆襄之秀炳江漢之靈
其間脫穎耀銜蔚爲國華者皆已染翰玉除繙書東觀
矣不幸文人運阨閉戶著書窮老不出里門未免寂寥
風雨冷落湖山也然皆鍾天地清淑之氣發爲文章則
藏之名山傳之其人抑後起者之責也志文苑

明

陳文燭字玉叔副使柏子少負異質弱冠工古文詩詞嘉靖

沔陽州志

卷九 人物 文苑

一

四十四年登進士授大理寺評事時王世貞李攀龍等稱後
七子各擅詩名意不可一世文燭雁行其間不少讓出爲汝
南守所著益工以治行遷四川學使品鷲精當得士爲多轉
參漕事薦陟布政使遷大理卿生平有愛石癖致仕歸建五
嶽山園日與諸友倡和其中著二酉園集行世

陳述齡字子壽天姿敏慧讀書一目十行少所誦習終身不
忘嘉靖三十七年舉鄉試第一萬曆二年登進士初選南京
戶部主事以憂歸服除補禮部精膳司主事陞祠祭司員外
時嘉定徐公爲宗伯嘉其才每公疏及他文一以屬述齡會
有學使闕將薦於朝尋感病卒著述甚多貧不及梓子繼元

繼亨並能紹明其業有時譽馬

費尙伊字國聘號似鶴萬厯元年舉人五年進士選翰林庶吉士遷兵科給事中出爲陝西按察使僉事年甫三十遽拂衣歸日與故人酣飲唱酬至老不衰性孝友捐田宅與昆弟著有市隱園集

陳汝璧字立甫文燭子髫年從父淮上已能詩善屬文萬厯十一年進士授紹興府推官甚有聲以撫按薦拜禮曹適大計有修隙著遂左遷河間司理以憂歸服除補饒州未幾卒著有蘭省集隱園詩

蕭景昌字心南通六藝尤以琴名傳於海內德行恂謹學使沔陽州志

卷九 人物 文苑

二

蔡復一優舉獎額

陳直表字小孺隱居教授致力詩古文詞崇禎九年鄉薦爲座師吳偉業所賞攜之遊覽東南佳山水文章益進集散佚世傳其梅花百韻倡和詩

杜民獻號秋谷諸生嗜古文工詩尤善書嘗從父宦遊滇南時成都楊慎以議禮謫戍滇一見奇之因相與倡和宴遊無虛日性嗜飲白眼孤情不可一世著有秋谷集

朱光儀字無忒明崇禎間任江西某縣令致仕歸**放**光晦迹潔身高尙古學淹博著述悉燬於火

蔡輅居鄉不苟訓迪生徒有法工詩知州鍾順學正林惟盛

數與倡和子允恭孫綬皆歲貢

陳昌言字師清善八分章草工詩著有青林山稿

張應斗字北生讀書過目不忘記工詩又與謝雋高鶴籌輩講求古文法髫年爲學使葛寅亮取首拔入州庠崇禎壬午無錫高世泰特與貢選寶慶教職有藕劍齋各集

孟世卿字以賢萬曆元年恩貢素有文名著史評史略文範等書行於世

陳涇復字一圃汝璧孫幼讀書卽得大意由明經考選司理以監軍道用子居業亦明經

謝雋字岱輿髫年食餼郡先達王極督學陝西聘往襄校甄

沔陽州志

卷九 人物 文苑

三

別悉當雋與人交善氣迎人及慷慨赴義則志不少屈常以言觸當路大府憐其才多方庇護乃得全著有詩文集

李天恩字君寵遊郡庠負才名工詩

吳道隆字聘卿郡庠生絕迹公廷苦志下帷舉業規仿瞿唐屢薦不售子士恒進士

包國翰字大瀛廩生讀書好古飲酒賦詩暮年猶爲澄川王學使所賞拔子貢錫工書亦名諸生

甘守清字君彝學於南陽陳紀工詩

國朝

黃文臣字竹須歲貢生教育多才著有四書演義詩經演義

百念齋家課

方來字脫庵南池里人風神朗雋幼讀過目成誦與兄巖受業潛江莫與先之門與先歎曰老夫當避此子一席年十一應童子試學使王爾祿賞其文補潛江弟子員名藉甚漢陽熊伯龍黃岡王澤宏皆目爲南州冠冕撫按監司先後學使皆器重之詩古文詞才氣縱橫不可端倪康熙二年舉於鄉九年成進士時宮保柏鄉魏裔介宗伯合肥龔鼎孳見來所爲詩文語給諫潘翹生曰方生詩古文詞不摹古格不襲時調大振楚風公安竟陵後一人而已擬選館職適選日以目疾未赴十七年 詔舉博學宏詞楚撫張朝珍欲疏薦來以沔陽州志

卷九 人物 文苑

四

親老辭不就二十年考授中書居京師與新城王士禎善聞父疾馳歸來性孝友事父應昌母任氏先意承志父母繼逝來哀毀幾滅性鄰家火起延及中室來死守母柩搏頰呼痛火遂滅與兄巖白首無間行誼高潔惟閉戶評鷺經史著述多燬於火僅花梧堂集尙存子五弘晉嘉魚貢生弘謙考授州同弘履歲貢自有傳弘震太學生弘益字汝爲性敦樸寡言笑能詩書法真草俱工

蕭雲澤字融爲生有異徵寄籍江夏棄諸生究心洛閩之書詩宗陶書畫學米元章先是雲澤父三禱太和山祈嗣夢神曰吾當令孟浩然爲汝子雲澤臨終亦道襄陽前事著有莫

擔閣集子樞性穎悟從胡惟宗學能詩尚氣節以諸生終
劉昌齡字鶴山漕河人廩生設教專摯博雅淹通工詩未及
貢而卒著有吹藜集

黃里字君畝號天山爛泥湖人順治八年貢士廷試第二授
江西贛縣令半載卽解組歸博覽淹通詩古文詞沈毅峭拔
性簡曠不羈誕任談諧科頭赤足白眼玩世大有嵇阮風
戴偕字禹門廩生負雋才刻意爲文千言立就工書法聯文
社淬勵名行早卒

黃大成字穀軒郡庠生負才奇崛長從郝楚望李愚公遊知
州章曠深器之晚益嗜學不倦

沔陽州志

卷九

人物

文苑

五

姜士軫字宗薇少勤學屢躋文場七十餘猶日鈔錄子開周
順治十一年鄉薦授澧州學正未仕卒

趙世翰字爾宗性穎異早歲食廩餼高雅絕俗尤善飲醉後
益復讀書琅琅雜誦不休以明經終

王若珣字東玉號蓮浦恂謹端方食餼府庠順治十七年鄉
試中副車摩挲書史手一編忘倦早卒

蕭揚喬字子遷號鶴嶼英敏好學經術修明慨文體衰敝毅
然以韓宗伯寒碧齋稿及明大家爲宗故其文昌明雄渾一
歸於正講授生徒一本考亭門人經指授者文章皆有法度
舉康熙三十九年明經子四德溥自有傳景文俱舉人景周

景春及德溥子行矩俱諸生

蕭作霖字雨若號莪劬馬四里人性警穎攻苦不倦淹貫經術博綜子史爲文兼精理浩氣入京山庠食餼學使歷試皆冠軍生平憂愉感憤一發於文康熙三十九年成進士貧約如故持品端介以名節自勵黃際飛俞長城諸人皆選其文推爲名家子士卓雍正十三年副榜

邵暲字景占城內人廩貢生讀書一目十行試輒第一學使潘宗洛目爲奇才以明經終有科第傳芳石坊在其家園今廢

趙之球舉人嗜古博洽善屬文康熙間任黃岡教諭著有居

沔陽州志

卷九 人物 文苑

六

黃間草

李鳳岑字蔚先廩生樸直渾厚有先民風所爲文沈著精實康熙三十六年選拔入國雍大司成胡作梅孫岳頌皆賞契之著有拙齋集

束瑜字士珍寄籍武昌府學性孝友其父甚愛仲子瑜察其意以房產讓之力學嗜古宏覽博物著有草閣餘編百餘卷子夏瑚字子器蒲圻縣貢讀書寂處不妄交遊工詩

高元美字長人居城東隱林故號隱林工文章年十三學使彭而述奇其才補弟子員兩中副車不售遂絕意進取力學嗜古詩酒自娛詩宗陶柳書法趙文敏畫倣雲林人尤珍

之如拱璧著有世史正統天下名山圖纂寄山堂集孫調鼎
明經博雅工書

黃養俊字宅三幼通五經知名甚早有坦庵詩集行世

謝肇國字宣來號溶湖康熙六十年恩貢植品方嚴制藝雅
正喜獎掖後學年逾八十猶手不釋卷子士柱康熙五十三
年舉人歷任山東館陶范縣令

龔殿颺郡庠生以文行著學使干舉優行弟覲颺子廷元皆
遊庠序有聲

譚宗閩字小亭廩生試必高等工楷書善雙鉤能爲詩

魏方烈字南皋黃蓬里人幼英敏工詞賦遇佳山水輒流連

沔陽州志

卷九

人物

文苑

七

忘返年八十舉鄉飲大賓子宏祚庠生

方弘履字坦人號瀛壺來第三子性篤孝以歲貢官光化訓
導捐俸倡修學宮課士有法獎勵孝友優卹寒畯士風丕變
歸里後知州禹殿鰲聘續州志頗稱實錄著秋曉堂詩文集
李可達字特安淹通經史善屬文著有懷古堂文稿凝秋閣
詩集湖州知府李堂梓行

李基字時坪少負奇才爲文千言立就自成一家與兄堂皆
有重名堂修髯號髯李基修眉號眉李屢試秋闈不第以乾
隆十年正貢訓導江陵著有江峰詩集

龔應詔字鶴書沙湖人歲貢生植品嗜學從之遊者多獲教

益弟應聘庠生姪一柱選拔均賴裁成年逾八十猶手一卷不釋學使蔣贈經明行修額獎之

向來雨字澤周號潤川乾隆九年解元博覽經史官黃岡教諭丁艱歸服闋改江蘇知縣自以才力不及仍就宣城教諭未幾移疾歸著有四書宗朱讀詩解潤川文集

王烜字印川年二十爲諸生有聲天門進士熊士鵬以翰苑才目之領乾隆五十九年鄉解不得志於春官著有詩文集戚壽山字如南沙湖人少英偉負才氣初入武庠棄之後列文庠常作祀文昌文大冶令成霈一見稱爲異才生平檢身克己時用功過格以自惕早卒

沔陽州志

卷九

人物

文苑

八

湯若巖字次書歲貢生鄉試屢薦不售著有次書文集州牧高於眉刊行學使薄有德爲之序

胡成書字香簡乾隆五十三年副榜五十四年 恩賜舉人五十五年 賜翰林院檢討家貧力學至老不倦著有易經粹義春秋人物論書簡堂文稿

邵欲琛字非獻城內人博學強記詩宗昌黎制藝尤昌明博大入歸黃之室嘗謂詩文之爭勝於機鋒者野狐禪也以明經選江陵教諭旋即告歸閉門讀書又廿年卒弟欲現廩貢章士縉字綬來乾隆九年經魁主考沈德潛西成深器之五上春官不售歸而閉戶授徒多所成就植品端方不輕履公

庭知州邱仰麟比之澹臺滅明三十六年大挑知縣改就蒲圻教諭首嚴士習詳諭諸生派當堤差縣民德之月課諸生詳加評改著有鳴和堂詩文集子曰炳舉人日熙歲貢生孫傑倬有塏有垣開鼎曾孫起銜起鏞俱庠生起銓鄖縣訓導邵一儒字聘士號思筌少貧嘗讀書泰山廟夜則借佛燈習誦嘗通宵不寐生平致力秦漢古文古茂淵懿才氣縱橫不可約以尺寸舉乾隆五十七年鄉試春官擬中以疾終於京邸年二十一著有邵聘士集陸建瀛刊於金陵遭粵匪板燬劉泗道字杏垞進士曙之子廩貢生性孝友從兄揆遊學有根柢嘗肄業國子監法式善爲大司成深器之館之詩龕齋

沔陽州志

卷九

人物

文苑

九

數載後議叙教職泗道工詩古文詞著有詩經蒙訓杏垞文鈔短笛吟詩集書法蒼勁得顏魯公神韻晚右指廢易爲左腕彌見渾勁巡撫楊懌曾等多題咏左腕之妙云

劉興際廩生幼以質魯廢學其外舅徐國柱名進士也興際謁之徐不爲禮遂杜門攻苦六年之間條貫經史尤粹於易爲文奇古有法人多怪之著有讀易偶記

史銘桂字荆樓城內人有俊才爲文汪洋浩瀚成一家言詞賦雜體出入莊騷之間少歲見知於學使王贈芳擢嘉慶六年選拔屢應學幕聘衡文悉殫心力厯署黃梅襄陽麻城興山等縣教諭實心課士多所成就任襄陽時修學宮之太和

元氣門及內泮等處載襄陽縣志著有春秋或辨平行世大學故中庸微讀書質疑印纂諸書待梓子肇蘭自有傳肇華庠生志節行芳有父風

劉興楫字春帆幼聰穎年十四入州庠長更勤學博通經史著有周禮確解春秋提要子勲才舉人孫德鏞庠生

陳汝揚字不波庠生家貧勤學致力古文批錄經解冊籍積如鱗次制藝膾炙人口秋闈卷已擬元被黜自是絕意功名閉戶授徒嚴而有法

謝超字北江晚號茹中子增生植行端方言動必謹著有茹中子文集弟同銘字秋潭廩貢生工草書得米南宮神髓珍

沔陽州志

卷九 人物 文苑

十

之者同拱璧一時目超爲理學同銘爲名士

邵樹忠有傳贊云鄉先生負才

望者眾矣而學者競稱北江秋潭兩先生余嘗怪宋史分儒林道學爲二傳如兩先生者其何以別焉兩先生典型文采照耀閭里余故合傳之又以見士之蓄道德而能文章者不在科第也

劉夔字慎齋嘉慶九年舉人植品清嚴教人以不欺爲本著述發明經傳學者多欽誦之子培松同科副榜重然諾輕勢利以詩書自娛著效顰氏文集本琪貢生道光初館州署廉介自持人不敢干以私夔晚得痺疾培松兄弟晝夜扶持無間繼母喻年老多疾調治供養無懈志

劉檢才字及園廩生才雄性敏矢口成吟一時無與爭捷者屢試高等不售著有慵窗詩稿及駢文詩話各種

謝紹連字春池監生鄉試房薦者六與徐砥齋段笨翁諸先生結吟社推紹連主盟著有春池吟草

謝祖瀛字竹香號海東少嗜力於學工詩善書得右軍三昧名重一時客有負債者輒求書以償然數奇以明經老有醉經閣詩集行世

王春羸字榕橋庠生多才博學工楷書主河南伊陽縣紫羅書院教誨有法著有律呂合編敦善錄

戚從龍字臥雲庠生性純篤持正不阿既阨秋試遂鍵戶讀書於春秋傳致力尤深著有春秋撮要二十卷夙事從兄南湖先生垂白猶執弟子禮人有過輒面斥宵小多改行者於沔陽州志

卷九 人物 文苑

十一

貧士尤不惜傾囊助之子天保自有傳

苗逢湛字楠橋貢生內行端方家貧授徒嚴立師範遊其門者無論窮達皆知立品著古今體詩話若干卷

胡成章庠生博覽強記兼好佳山水有所得輒發而爲詩著有黃鶴樓岳陽樓詩各百首

吳墨莊以字行廩生事親孝待兩弟友愛讀書終身於天文地理音律無不通曉時人以博物君子稱之

湯鉞字渠深庠生奇才鬱勃名噪一時鄉試輒蹶著有樂餘堂詩草數卷

周鎬字西民道光三年進士博極羣書才華敏贍出語驚其

長老應變明決措手立辦選授廣東增城知縣將之任抵大庾嶺以病終著有愛蓮堂文集通鑑批參子樹年郡歲貢生夏曰夔字笠人工詩古文詞才思敏捷幼與周鎬齊名州郡屢冠軍卒不售擬賓戲解嘲以自慰忘懷得失怡情詩酒以終著有笠人詩文集

陳作梅字望岩廩生湛深經學尤長三禮精九章術嘗與友人劉柏才講鈎股法推算最捷柏才謝弗及其文爾雅深厚有南豐遺意云

劉柏才字露仙揆孫歲貢生少有雋才試輒冠軍尤爲學使鮑桂星所賞識數奇年五十棄場屋一以教授爲業性孝友

沔陽州志

卷九 人物

文苑

十二

繼母王極嚴峻柏才委曲承順母爲感悟待兩弟最友愛旣析居館穀所入番分潤之雖饑歲不肯私一錢厚重寡營敦交遊重然諾人不敢爲橐中交有以解訟餽百金者固辭弗受與族祖濬道最厚濬道貧甚病且死以其子興桓屬柏才從學七載教讀綦嚴卒不負所託其後興桓成進士以忠節著同邑張錫穀雅重之引爲忘年交將刊其雀硯齋詩稿囑爲審訂柏才刪其九麗諸篇錫穀弗許也柏才復書立爭卒刪之爲文不專一格學淹博無涯涘而必衷諸六經不爲偏頗激詭之論其教人因材而篤以故人皆樂遊其門成就者不下數百人註有論孟集註附考續編經學提綱讀史志異

就芝軒隨筆就芝軒詩集文集四六韻府雙玉鑄經錄假借錄凡百餘卷卒年九十一

蕭叙宗字荆江號漱霞嘉慶二十一年舉人穀城教諭咸豐四年任滿推陞國子監監丞致仕叙宗內行敦篤母卒侍父得其歡心魚肉去骨刺乃進姊早寡立嗣請旌養葬皆身任治家勤儉耕讀紡績各有職守嘗本呂氏意作便俗小兒語閨閣小兒語至今戶誦之道光間頻年大水道殫相望叙宗倡捐收瘞官穀城時集眾團練勅立節孝祠籌設賓興皆倚爲重著有劄記家訓家政簡明要略災賑堤圩團練保境安民儲用卮言各一卷四禮通義

沔陽州志

卷九

人物

文苑

十三

陶守巽字仲申天姿過人博物能文因父歲貢生世澤病於場屋遂終身不入棘闈工吟咏著有蘭谷詩略

易楚金字南坪道光十四年舉人性倜儻不拘繩尺詩古文詞皆自鳴天籟大挑一等授福建安溪知縣抵省初次衙參遂拂袖歸改宣恩教諭亦不就授學里門多所成就

鄧蘭章字香亭增生植品方嚴嘗勅立義學督修字藏立碑禁演淫戲著有隨見錄古今格言子史聯珠續繡吟數卷弟蘭墀字橋門道光十九年舉人文思靜穆嗜古不倦淡志仕進授學里門著周禮案註

劉映庚字半虞道光二十四年舉人七歲能詩長肆力古文

卓犖有奇氣授徒數十年竄易詩文有點石成金之妙故遊其門者履恒滿著有半虞老人詩文集孫寶山多藝能

張葆森原名葆初字竹人庠生品端學粹博覽羣書尤精史漢留心輿地水道於天下郡國縣志多所歷覽州廉訪周揆

源延請主修邵武府志體例精覈為世所重旋膺制軍陸建瀛續修江南通志之聘因粵匪之亂中止嘗輯沔陽州志稿

與其生平著述均燬於兵今存者滋福堂詩文各集東南游草讀史隨筆滋福堂叢話數種邵樹忠傳贊余聞長老言鄉

生道咸間以一老諸生橐筆遊東南屢為諸侯上客醉後談天下事則滾滾不休嘗與邵陽魏源在金陵幕中指畫江南山川形勢戰守機宜皆中要害天未厭亂擊鼓西來東南數省陸沈鼎沸者十三年而先生亦遂遠走閩中葬骨海上讀

沔陽州志

卷九 人物 文苑

十四

東南游草諸集輒為之掩卷流涕云

馮治字和書庠生少落落有大志善飲酒至數斗不亂談論雋逸五七言近體清新華腴古文有奇氣喜臨摩真書秀整草書具顛素之妙

李汝龍字允侯沙湖人歲貢家貧課徒自給道光間紅土院屢患水知州張寶榮欲任以院事汝龍固辭上書痛陳利弊

張牧采其言院遂永固又以硯耕所積捐細灣湖水為賓興費著有燕子堂又作然文集

杜紀雯字晴川家貧力學工詩賦應童試以瓶笙詩見賞於學使鮑桂星後以鄉貢授訓導著有聽秋軒詩集

李馨字佩蓀庠生植品勤學富於故實文工麗尤長於詩賦子俊才庠生負才早卒

劉興樾字蔭喬號梧孫少負雋才以廩貢就京職觀石鼓文歷燕趙河洛齊魯吳越諸名勝皆紀以詩一時名流如陶雲汀陳芝楣陶鳧鄉諸先生皆延爲上賓所繪梁園醉雪圖海嶽行吟圖題咏殆遍自號海嶽行吟客卽以名其詩集又有梧孫古文嘗書江漢炳靈四大字刊石於黃鶴樓估客摹爲至寶兵燹後靈字猶存

周景濂字蓮峯性耽山水工詩善書畫道光十七年舉人授江陵教諭以軍功保用知縣分發山西不就居近襄河歷年沔陽州志

卷九

人物

文苑

十五

董修堤坊通院賴焉

陶甄字竹里茅江人幼聰俊旣不得志於有司遂遊吳越齊魯秦晉幽燕足跡幾二萬里所至多題咏今僅存詩百餘首劉德燝字星閣庠生性孝友三事繼母皆以孝聞道光二年父柏才患頭風德燝侍疾撫摩日夜爲嘗湯藥必手調而進凡百二十日始瘳友愛兩弟終身無間言窮經嗜古老而彌篤先是其叔祖興藻勑文房佳偶柏才沿其例爲韻府雙玉皆未竟而卒德燝踵而成之總三十餘萬言蔚爲藝林大觀又嘗編集石經考略石鼓考略及醫學待遺救急奇觚續橫背小草診餘漫錄皆成帙待梓

張本俊字籟卿號時平 恩貢生學問淹涵生平友教從不與外事爲文原本經術於傳註確有發明著茹經堂文稿 蕭炳甲字東侯號薇生廩貢生少與張紱麟劉興桓齊名志行高潔塵視軒冕著一味真齋詩鈔專主性靈雅近隨園字做爭座位亦善懷素

向燾字雪齋道光十一年舉人性爽剴善屬文邑人士多傳誦之補廣濟教諭未之任卒

李文彥字彥生品端學優性耽吟咏著秋水閣詩集

蕭士玉字蔭田庠生有學行咸豐初元里人舉應制科辭不就講求古韻所著書遭水散失

沔陽州志

卷九 人物 文苑

十六

吳道垣字薇垞沙湖人性孝友每夜集兄弟子姪講論孝經顏其堂曰樂叙著有棣哦軒詩文集弟道坦字湛園道均字擬園俱尚氣節坦尤淹通著湛園詩草味無味齋雜作均以書畫擅名亦工詩著擬園詩草

陳登甲庠生精易學知州潘克溥重之延至署中商訂所著易書

許學易字晴嵐庠生性孝友弟卒撫弟妻孤姪恩義甚厚博覽強記駢文尤工同里陸建瀛督兩江時學易居幕中表奏皆出其手高文典冊矜重一時著有晴嵐老人詩文集

黃岡 錢崇

柏嘗爲之傳

閔璜字稚萃號渭川七歲讀書輒曉文義十三入州庠咸豐三年進士選庶吉士散館授吏部文選司主事兼上諭處行走年餘乞病歸官文恭延督修貢院推樊城仙鎮釐稅絲毫不苟而大工以舉璜天性篤孝母歿致喪三年少奉庭訓未就外傳終身依戀如孺子慕其居鄉黨恂謹自持雖接見後進禮儀必優生平無戲言戲動有盛德君子之目歿之日里人皆悼惜焉著有志勤堂文集詩集木天清課

費楚玉字荆山道光二十三年解元表儀端凝淵博有史才庚戌入都公府延教家塾與戶部主事李樹人輩談兵法眾皆推服旋里之明年粵賊犯沔楚玉招集義勇勦賊出境屯

沔陽州志

卷九 人物 文苑

十七

軍漢上曾文正獎其才保職辭不受晚年精易理於星象緯候之占尤驗纂修家乘擬撰州志具有條理詩豪雄可傳誦兄楚金字揀齋亦有文名著珍珠船四六集二十卷

劉楷章字蘭畦孝子文騫次子植品積學善事親父歿偕伯兄紹斌奉母終身色養不衰道光二十九年拔貢赴廷試時陸建瀛督兩江招往節署資其行並致書當道延譽之楷章試歸還其書次年建瀛聘入幕值江南清釐鹽政商有負巨欸入獄者陸移牒持之急有館商家者袖金詣楷章關說坐久楷章嚴氣正色以拒客慙而退後闢稻香書屋隱居教授州牧屢以書院志局聘皆不就楷章爲學堅忍每獲古本

閉戶疾鈔日數十紙夜寒手僵弗輟晚益淬厲古文宗韓歐
著有稻香齋古文詩賦集子華禧字秋農咸豐八年舉人由
國子監學正分發浙江通判性俠烈不畏疆禦書法得小歐
神髓名噪一時

張紱麟字雪琴道光二十年舉人性嗜學識趣淡遠春闈屢
薦不售遂絕意仕進適粵逆犯楚郡中奉行鄉團關津多枉
法殺人紱麟剔姦遏萌有誤罣法網者親爲申理全活甚眾
胡文忠撫楚時檄榷沙湖仙桃二鎮釐稅蒞事廉平餉集而
市不擾以積勞題擢知縣不赴選少師張蓮濤周序東林穆
堂諸先輩學有淵源晚教授里門爲文根柢經史有 國初

沔陽州志

卷九 人物 文苑

十八

諸老風格邑中言制舉業者必首稱之所著靜綠山房古文
古近體詩瓶花軒試帖亦卓然大家子毓崙庠生雲鵬廩生
文良庠生

傅卓然字立齋倜儻負大志由道光二十六年舉人選教諭
咸豐初髮逆踞省垣卓然奉檄率團勇分布要害五年八月
督師胡文忠大營餉缺兵潰麥山議退屯新隄螺山等處卓
然上書力阻書發旋括市緡七千貫犒軍時禮部主事胡大
任籌餉沙市卓然致書以大義動之亦以餉至文忠軍復振
論者謂保障東南第一功文忠先後錄勛保奏以同知用
賞戴藍翎卓然性孝友兄弟六人同居數十年無間言著有

半溪草堂詩古文四卷行世監利王柏心衡山彭玉麐爲之序

李皋字子珉仙桃鎮人道光二十九年拔貢博覽羣書文筆有海涵地負氣象性孤傲不可一世然才思敏贍世亦鮮有敵者嘗作江漢雜詠五十首一夕而就學使龍啓瑞奇之鄉試十五次不售遂閉戶著書解易極闢來知德反對爲綜之誤草書得蘇米神髓人得之如拱璧詩豪宕多散佚惟焚餘詩草及讀易私說尙存

劉國香字蘭如號堯丞少有志行道光二十年歲大歉出資賑活多人事孀母胡氏孝博綜經史工詩古文詞李中丞續

沔陽州志

卷九 人物

文苑

十九

賓聘主軍幕知州梁照舉孝廉方正皆不就以咸豐十一年拔貢授來鳳縣訓導未赴任學使張之洞延課其子復主校崇文書局博覽切究其學益進著甲乙殉義錄隨分盡孝錄行世又有邃古堂四六壽萱堂詩文集子瑑庠生

劉萬青字選齋城內人少嗜經史尤邃於易講求天文地輿察天下有變更留心兵略咸豐二年粵匪犯楚京員以萬青薦巡撫常大醅奉

旨徵萬青於省垣以所作戰守須知一書徧給湖北各員遂致萬青於湘撫張亮基幕下當是時天下皆知沔陽劉徵君既至賊已圍長沙以繩梯入城抵掌而談一日謂張撫曰賊

不攻城又不遠去必掘地道張撫曰我已早掘外濠一丈矣萬青曰昔毛德祖掘地道深七丈今此地須深三五丈方保無虞於是復掘外濠二丈許果得賊地道賊知計泄遂遁長沙獲全三年春賊陷金陵官軍次蕪湖萬青致書向軍門榮曰聞賊分駐揚州鎮江留金陵者少其城周五十五里賊專守東南其西北虛若以萬人攻東南而以萬人夜擣西北城必破矣向帥見書稱異大帥鄉人某忌其謀略不行後數月始以二千五百人擣北城參將秦如虎問萬青曰今番能入城否萬青言河鼓前星明必入城既而兵少膽怯入城數武賊至不能敵仍退萬青曰史有云天與不取必受其殃遂移

沔陽州志

卷九 人物

文苑

二十

疾歸閉戶窮經諸生從之講易者踵相接年七十三終遺令用古庶人禮葬之曰士林泣送人以比陳實郭泰云

吳書朝字髯夫沙湖人幼以孝聞喜交遊不治生產雖饗殮不繼而吟咏自若著有髯夫詩鈔

沈光潤字雨香庠生學養冲邃爲諸生四十餘年未嘗一履公庭姪尙志字壽山歲貢生性方正試屢冠軍鄉試六薦不售著述多可傳者光潤子鑾庠生尙志子旭東歲貢生候選訓導孫遐福增生

周寅斗字賓谷增生博學能文鍵戶窮經足不履城市每講四子書多引經史爲證聽者忘倦著五經類典讀史摘要寄

生堂詩文各種

陳興鳳字亦園增生幼穎異比長博通經史及各體古文尤深於詩刊有亦園詩草上下卷

胡道謙字家琪歲貢生學問淹博鄉試八薦不售及門成名者百餘人孫兼三庠生

彭澤柳字翊昌下查埠人少聰穎長工詩古文詞曾以修利隄防賦見賞於夏幹園太守然卒不售子兆桂旭森孫惠蒸俱庠生

傅大璠字魯臣端品植學尤長詩賦著有邃經堂集晚授生徒毫不外干以廩生終

沔陽州志

卷九 人物 文苑

二十一

陳儒榮字質村庠生性嚴正喜讀書著有五經摘要半岩草子雯福孫南軒俱庠生

龍在田字玉峰余家幫人矢志淡泊性耽吟詠著六江行吟草詠史約編

李大文字蔚人歲貢生力學通經卓有文名性骨鯁教弟子以禮法里黨咸敬憚之

劉炳章字筠泉性孝友嗜學工書詩以和婉勝文有夷猶室往之致以道光二十六年舉人考取景山宮教習一時鉅公許爲國士然卒不售旋病卒京邸著綱目提要沈太史秉成爲之序

龔遙峰字竹仙篤學有文名議論風發舉咸豐二年解元同治二年督修潰隄龍見浪湧不能合龍遙峰作文祭之波平工竣著龔氏易話唐詩蒙求子紹海庠生

周治字馨園廩生博學強記文思敏贍一日成時藝六七首都典麗有法無一語雷同七試優等五膺房薦卒不售著有周官考辨麟經便覽及詩古文集

劉振先字崑珠貢生柏才三子舉咸豐八年鄉試以親老不再上公車少聰穎讀書過目不忘或有舉典故相試者輒朗誦竟幅不遺一字書賈憚其強記或有異書戒勿寄鬻同治初知州梁照延主聚奎書院造就多人著有靜書齋詩話

沔陽州志

卷九 人物

文苑

二十二

王錦春字伯泉廩生錫疇字子九廩貢生兄弟友愛白首無間植品敦行皆以訓經老制藝悉宗先正雖寒素一介不苟取錫疇尤風雅書效懷素詩有宋人逸致

崔震陽字西園同治元年舉人家貧嗜學少負文名肄業書院試輒第一以膏火贍其家長於論辨北鄉築楊林洲鄰邑訟之震陽上書當道隄成不毀至今賴焉

陳文楷字仙洲廩生穎異善讀有鬻奇書者略一展閱輒背誦不遺一字夙負文譽晚愈勤學著茹古山房文集

王國燦字星垣廩生屢膺鄉薦邑科第及名諸生多出門下咸豐初館茅江曾文正師出洞庭聞名徵之舟中與談甚洽

欲延入幕以親老辭著有青緗館雜著塾課文鈔

徐秉衡字希平同治九年舉人性冲和生平不與人忤爲文跌宕夷猶不矜才使氣而神理自足同治甲戌北上歿於京邸

劉華縉字雲程盤潭人庠生少負才名尤工詩咸豐辛酉李忠毅聘爲記室奇其才將大用會以疾卒

楊鳳章字墨琴廩生祖庠生敷有學行鳳章聰穎絕倫工書學使孫家鼐奇其才歲科皆以冠軍早殞刊有十笏草堂詩集

楊登福字東麓家貧有清操著漱芳軒詩集早卒有哭母詞

沔陽州志

卷九 人物 文苑

二十三

賈志序勵志詩氣已絕復呻楚口占有生世長貧死亦輕殘魂猶作苦吟聲之句聞者哀之妻樂氏苦節待 旌子介康翰林院庶吉士會康舉人

蕭敦垣字紫卿有夙慧八歲能文入州庠屬對工敏題黃鶴樓懷古詩名噪江漢目爲神童知府陳建侯巡撫郭柏蔭學使張之洞均以大器許之年甫弱冠而歿士林惜焉

陳曉南字玉山庠生事親孝閉戶吟哦致力經學攷校註疏著有五經集略

楊善鑑善古文官黃州府教授

李毓燾字漢城新隄人庠生性耿介嚴義利之辨不苟言笑

潛修樸學爲文力求根柢不沾沾爲科名計然古質不諧時好面折人非以此益阨於遇賈志早歿著希恕堂古文

李芬字苾丞光緒元年舉人諸生烈青子少孤事母孝植品端嚴諳練世故任事有幹力介介自持不苟取與長於詩賦試輒冠軍北上公車歿於京邸著有聽香閣雜文集

陳紱昌原名書字秩五天性和厚試輒優等慷慨有遠志著時務論數千言一時以重器目之光緒八年鄉舉主講房縣鳳陽書院原名應考知縣彭更今名文風丕振中年歿逝士論惜之著愛日堂詩文集子芳庠生

彙叙

無事實者
附叙於此

張王悅

庠生讀書穎悟行文高
潔見賞於金壇王汝驥

郭維城

博覽羣書至
老窮經不懈

唐竹圃

志行高潔
皓首窮經

李春暹

庠生學優品
端工書能詩

王作霖

字竹坪貢生少以詩賦見重茹古香
學使與近村諸名士結梧桐詩社

劉雲達

庠生
工詩

人物志

武勛

記曰聽鼓聲則思將帥之臣大都斬將搴旗浙矛炊劍其勤勞為不可忘也沔濱江襄土薄而民弱故武階由科第進者前代不多見惟忠義之激於人心為不可遏咸同間軍興以來一介武夫刺身涅背提戈從戎振臂一呼披靡無前當此狼烟四起犁庭掃穴其人何可少

耶志武勛

宋朝北

張興世字文德竟陵人隨王元謨伐蠻征南郡王義宜俱有

沔陽州志

卷九 人物 武勛

二十六

功官龍驤將軍領水軍拒袁顛時臺軍據赭圻南賊屯鵠尾相持久不決建議以

奇兵潛據上流遏其糧顛眾饑走遂平江陵封作唐縣侯徙

光祿大夫

南史本傳 舊志云興世居臨沔水沔水自襄陽以下至於九江二千里中先無洲嶼興世初生當

其門前水中一旦忽生洲年年漸大及興世為方伯而洲上遂十餘頃父仲子由興世致位給事興世欲將往襄陽愛戀鄉里不肯去嘗謂興世我雖田間老公樂聞鼓角可送一部行田時吹之興世素恭謹畏法憲譬之日此是太子鼓角非田舍公所吹興世欲拜墓仲子謂日汝衛從太多先人必當驚怖興世減撤而後行興世子欣業當嗣封會齊受禪國除久秉軍旅之寄歷事猜昏之主能以功名自終且復慶施厥嗣洲嶼之生豈真有意哉

明

胡美初名廷瑞避太宗字易名元至正間事陳友諒為江西

行省丞相守龍興此從史童志作守南昌歲辛丑八月明太

祖兵征友諒下九江友諒走武昌太祖招諭美遂遣宣使鄭

仁傑詣九江納款太祖賜書慰諭壬寅春太祖至南昌美迎

謁新城門外帝撫勞之俾仍故官癸卯八月友諒戰死鄱陽

湖其子理奔武昌復僭號九月太祖率諸將及美征理於武

昌明史本傳云太祖既下江州遣使招諭美遣宣使鄭仁傑

床太祖悟賜書報曰鄭仁傑至言足下有效順之誠此足下

明達也又恐分散所部屬他將此足下過慮也吾起兵十年

奇才英士得之四方多矣待隨其才任使之兵少則益之以

然委身來者當推赤心以待厚之以賞安肯散其部伍使人

兵位卑則隆之以爵財乏則厚之以賞安肯散其部伍使人

自疑負來歸之心哉且以陳氏諸將觀之如趙普勝驍勇善

戰以疑見彭猜忌若此竟何所成近建康龍灣之役予所獲

長張梁鉉彭指揮諸人用之如故視吾諸將恩均義一長張

沔陽州志

卷九 人物

武勳

二十七

破安慶水寨梁鉉等攻江北並膺厚賞此數人者其自視無

復生理尚待之如此況如足下當早為計美得書乃遣康泰至九

得失之機間不容髮足下當早為計美得書乃遣康泰至九

江降太祖遂發九江如龍興至樵舍以陳氏所授丞相印及

軍民糧儲之數來獻迎謁於新城門外慰勞之俾仍舊官改

龍興為洪都府美之降也同僉康泰平章祝宗不從美微

言於太祖命將其兵從徐達征武昌二人遂叛攻洪都達等

還兵擊定之祝宗走死執康泰歸建康據此則美之降由太

祖招諭而沔志言美知天命有歸遂使使納疑非也又史傳

言太祖慰諭及改龍興為洪都美言康泰祝宗事皆詳故備

錄之 甲辰二月理出降武昌平美有功焉乙巳湖廣江西諸

郡縣皆附乃規取淮東十月命美同相國徐達等率馬步舟

師水陸並進是冬克海安泰州丙午二月克高郵四月五月

淮泗壽穎俱下八月統兵從大將軍伐張士誠十一月下湖

州進圍蘇州吳元年九月破其城遂拔無錫州以歸史傳別

將取無

錫降莫天佑 召見戟門賜彩段表裏九匹加榮祿大夫降褒諭十

月命為征南將軍率安吉甯國南昌袁贛滁和無為等衛軍

由江西取福建舊志載太祖諭美日征伐所以奉天命平禍亂安民生故命將出師必在得人汝以陳氏

丞相來歸事吾數年忠實無過故命汝總兵取福建江西左丞何文輝為副湖廣參政戴德隨征從爾調發二人皆吾

親近勿以其故廢軍政凡號令征戰一以軍法從聞汝往年嘗攻閩中必深知其地理險易今總大軍攻圍城邑汝擇便

利可否為之進退無失機宜克定之功全賴於汝也十一月師渡杉關下光澤縣十二

月至邵武元守將李宗茂以城降俘五千四百餘人至建陽

降其守將曹俊疇史傳作復疇命指揮沈友仁守之洪武元年正

月太祖即帝位詔美以榮祿大夫中書平章兼同知詹事院

事是月壬午率師至建甯壬辰克之元守將同僉達里麻參政陳子琦集僚佐謀日

沔陽州志 卷九 人物 武勳 沈 二十八

聞明軍驍勇自入杉關諸鎮兵皆望風瓦解其勢不可當今吾城中軍士亦不下萬餘儲蓄尚富可以拒守不可與戰由

是備禦甚堅美等進兵數與挑戰達里麻等固守不出於壬辰日克建甯美督兵環四門攻之達里麻不能支夜潛至文

輝營納疑詰旦翟也不花亦率眾降美乃獲九千七百九十整軍入城秋毫無所犯執陳子琦送京師

餘人馬二百七十三匹銀一萬六千三百兩糧九萬八千六

百四十石命指揮費子賢領兵守之二月克興化遣建陽降

將曹俊疇招諭汀州甯化蓮城等縣元汀州路守將陳國珍

納款泉州郡縣相繼降時王師已取福州延平諸路福建平

美留守焉五月太祖幸汴梁召還扈從凡行在機務悉預區

處兵行無擾於民據明史稿二年十二月大賞南征及守禦功三

年七月往河南等處招集故元王保保所部亡散士卒凡占

籍在洪武元年者聽爲民二年以後者收入兵伍十一月授

開國輔運推誠宣力武臣榮錄大夫柱國封豫章侯食祿一

千五百石令世襲賜誥命鐵券其文曰昔竇融以河西歸漢

定四方乃有識天運而建事功如昔人者助成帝業理當崇

報咨爾胡美以漢之英當朕經略江右爾能識機盡歸版圖

以保全人民於是任以中書平章之識屢從大將取江夏攻

壽春平淮東克浙西遂取邵武建甯其功益著扈朕巡狩分

省北京兵有紀律民行撫安况爲國之姻戚而著勛於當世

今天下已定論功行賞朕無以報爾是用加爾爵祿使爾子

孫世世承襲朕本疏虞皆遵前代帝王之典禮茲與爾誓若

謀逆不宥其餘若犯罪爾免二死子免一死以報爾功於

戲慎守祿位以光勳業篤懿親而厚風俗文綺及帛四十疋

更以忠訓及子孫傳於永世豈不偉與十三年正月改封臨川侯仍錫誥券文與前同六月遣使齎勅至

湖廣諭美曰昨者上天垂戒朕思治理恤民爲先其王府一

沔陽州志

卷九 人物 武勳 二十九

切役作皆宜停罷時美董建潭王府於長沙太祖榜列勛臣

謂持兵兩雄間可觀望而不觀望來歸者七人美其一人皆

封侯美與楊璟有方面勛帝遇之尤厚十七年坐事賜自盡

美長女爲太祖所納册封貴妃案史傳十七年坐事誅方志言二十六年卒者諱之也

王簡在字汝賢爲諸生有聲叔池州守卒於官簡在往迎其喪適學使行部以後期黜落簡在奮袂投筆襲祖職指揮同知由丙戌武進士授鄖襄守備歷鎮筵參將生平卓犖多大節及罷歸里日以詩酒自娛有擊碎唾壺鳴劍躍馬之思費之坤字順甫兄之乾由膚施縣丞署延長逆闖倡亂捍禦有功之坤少爲諸生重俠義諳兵略贊畫許都督軍崇禎末

四郊賊壘人無固志猶與知州章曠州同馬颯共城守禦城陷之坤復隨曠乞師於方國安等城得復見章公紀功錄晚乃以聲

詩自娛

國朝

王成功字圖麟壯貌魁奇膂力過人幼習技勇長值逆藩吳三桂寇竊湖南時總督蔡毓榮率官軍進討成功隸麾下以鎮筸功授千總從征雲南及逆藩蕩平陞湖廣督標中軍遊擊後遷左都督管雲南楚雄鎮標中軍遊擊事終淮揚漕運副總兵官皆以功紀錄

趙文進沔衛人膽勇超羣諳武略初以軍功任山西都司落

沔陽州志

卷九 人物

武勳

三十

職旋開復康熙丙子從征噶爾旦有功補廣東都司以上舊志

吳士榜士貴許二里人兄弟俱有勇略嘉慶間隨大軍勦白蓮教匪屢立戰功士榜擢貴州大定府把總歷任湖南常德府湖北宜昌府把總士貴擢雲南古州守備

光德安剏四里人咸豐四年與生員黃縉龔良材等倡義團練四方響應賊聞風遠遁德安督勇裹糧同秦忠德等翼州牧蕭蔭恩克復州城閏七月范鎮史員舒占元戰沒仙鎮德安奮領左營兵統軍功龔忠恕黃德恒及子光山帶精勇陳守培等百人赴援翌日同馮大寶大敗賊於清水灣追至仙鎮獲其魁渠賊爭渡溺死無算餘竄入漢川荊州將軍官文

獎六品軍功加千總銜五年春賊又竄沔德安會商各團帶
勇數萬防禦東北等汛是月晦賊復渡河陷城德安星夜同
軍功張起鳳等克復賊竄河北自是不敢南下當時士氣奮
勇隨德安血戰勦賊者子武生兆甲六品軍功左元芝左元
蘭九品軍功鄒斯鑑吳之暹八品軍功陳守培保正王世太
練勇教習李安邦皆一世之雄

劉德宏郡庠生咸豐四年春紅巾寇沔與知州蕭蔭恩練勇
禦賊賊勢獗不敵城陷後復起鄉團克復彙詳保舉皆辭不
受子三炳章舉人自有傳逢庚炳南俱庠生

李世昌原名德勝字紀常沙湖人咸豐四年粵賊擾沔世昌

沔陽州志

卷九 人物

武勳

三十一

仗劍從軍克復金口蘄黃等處由六品軍功補外委提督鮑
超以水師攻賊蠓蟻世昌率舟師會勦賊炮傷超趾左右死
者數人世昌翼超走越日世昌奉超檄督戰拔之進攻池州
賊堅壁不出置炮禦門超患之世昌夜率人從炮眼入城殺
守炮賊分途縱火城中大亂世昌開門迎大軍下其城數年
間積勞官至壽春守備賞藍翎十一年官軍圍安慶久不克
冬總兵王僉以世昌勇敢得士心調赴安慶獨當一面世昌
擒賊首馬長泰於堞上安慶復晉都司賞花翎同治元年夏
四月王師東下賊悉力拒險裕溪口尤爲要害三黃衣賊守
之世昌請自爲一軍期三日破賊閣部曾文正壯而許之世

昌身先士卒果三日寨破黃衣賊逸世昌矢三發連斃之閣部獎其功陞遊擊繼因克復江甯保參將以副將儘先選用旋以調考屢列超等借補江西撫標中軍參將歷署南贛九江總兵生平知詩工書畫翩翩若書生壯年殂謝論者惜之子中興花翎都司銜

黃大周太平橋人飼鴨爲業咸豐四年紅巾據沔羅宗鼎率眾逐賊大周持農器擊斃僞司馬沈於河夜走江陵請兵攻賊復謁知州蕭蔭恩於潛江謀恢復聲言援兵將至西鄉團練奮起大周力也

秦忠德武生有勇好謀賊擄忠德勸降不屈怒焚其室忠德沔陽州志

卷九 人物 武勳 三十二

召勇士起團練從知州蕭蔭恩克復州城大戰沙湖純良嶺等處屢立功後戰仙鎮鄉勇潰忠德殿全活無算巡撫胡林翼保六品藍翎捉歸撫標武生黃聯鑣隨忠德勦賊以功保授外委忠德子五長步瀛武舉少時隨父屢立戰功生平與人無爭

張家煥字沛田增生沙湖人有至性弟德景早逝撫遺孤紹翰維翰成名咸豐四年隨知州蕭蔭恩勦賊石山港衛以排銃林天植攻賊得勝橋家煥遣族中勇士數十人助戰賊潰家煥復率族人追至侏儒山大捷克復漢川縣城又與弟武生大勛等擒賊首張茂太總督官文臬司李孟羣疊次徵調

隨勦張家軍之名大噪家煥積功至五品藍翎以訓導用大勛別有傳同時路式玉式南兄弟及姪紹彭武生尙鴻均以禦賊功受賞

許長瀛有膽略咸豐間以行伍隨精勝營克復漢陽太湖潛山桐城宿松等處積功至遊擊同治元年克復廬州府進秩都司二年擊退金陵雨花台拒逆三年克復高涇溧水東瀾四年克復湖州廣德長興漳州漳浦各府州縣先後論功由參將副將以總兵用五年淮徐肅清賞給効營巴圖魯章象瑤南方人業儒咸豐四年選練勇勦賊於洪湖殺賊無算

沔陽州志

卷九 人物 武勦

三十三

向兆林字德三監生膂力兼人咸豐四年閏七月率團勇與賊戰沙嘴手殺十餘賊賊敗走兆林率所部壯士七十三人窮追至仙鎮賊瀕河不得渡激眾反鬪而隔岫賊營巨礮四起水陸響震人心洶懼兆林奮背一呼自狹巷躍出賊疑大隊至急奔數百人鳧水死兆林反則血染巾袍髮際皆透手鎗盡缺父璠以兆林得功將不復侍養令勿申報後同事者叙功或至四五品兆林林下棲依晏如也子植舉人
馮大寶里云口人精武技善用鐵鈹咸豐四年粵逆陷沔大寶約石山港抬鎗轟斃逆賊先後不可勝計二三年間大小數十載馮氏死者亦十餘人大功卓著屢保軍功

羅鼎臣字貞亭武生有膽略咸豐四年粵匪攻沙鎮敗團勇於純良嶺兵民雜沓鼎臣率數騎殿後先時沙鎮起義兵鼎臣與其事有土匪冒官兵入鎮鼎臣率勇殺匪數十後莫敢冒入又助林天植石山港之捷亦手刃數賊總督官文保給六品銜

王治平字星舫增生慷慨幹練爲前州牧蕭蔭恩周開錫所引重民衛公務多資勸理粵逆之亂督團勦賊頗著戰績巡撫胡文忠深器之贊畫軍前疊保知縣分發山西

陳福章毛范院人精武事膽力過人所執雙鈎重百餘斤紅巾之亂屢立戰功 賜四品頂戴生平無財而好義凡有公

沔陽州志

卷九

人物

武勳

三十四

事首先倡辦鄉人感之

劉熙廷張二里人咸豐年間集族中百餘人從軍屢立戰功保舉以守備用卒年六十二歲

朱鴻勛武生咸豐五年隨知州蕭蔭恩勦賊經數十戰殺賊多名訓練火器勤奮不懈保舉千總銜拔補把總

周汝楫字曉帆庠生有才幹善應變辦公勤敏喜談兵略尤精奇門咸豐四年練團勦賊屢出奇制勝以功保授六品任

荆門州訓導

吳家璋南方人粵匪之亂土寇劫掠鄉村家璋大怒率里人禦之殺賊數人賊大潰地賴以安又有吳正天膽略過人方

賊窺荊州王家堰三盆嘴水轉陸路爲賊出入通衢正夫倡
義防堵與吳秉璋等泰奮拒賊菠其巨酋賊遂不敢南擾
季昌雷君睡皤曩邈陷沔昌寅仗義圈糠累著戡功引矧引
膚知州蕭蔭恩都統奎 獎五品軍功